

# *MBEWU SIZILOWA UFUMU*

## *PAMODZI NDI MAKOKO*

 Tiyeni tingoyima kwa kamphindi kuti tipemphere. Tiyeni tiweramitse mitu yathu.

<sup>2</sup> Mulungu wokondedwa, tikuwerengera uwu ngati mwayi waukulu usiku uno kuti tikhale tiri pano pa msonkhano uno kuti tipereke Khristu Wamoyo ku dziko lakufa ndi ku fuko limene likufali.

<sup>3</sup> Tikupempha, mbuye kuti mudzoze mawu athu ndi kulimbikira kwathu kuti zisabwerere kwa Inu zopanda phindu, koma kuti zikwaniritse chimene zinayenera kuchita.

<sup>4</sup> Thandizani, mwamuna aliyense, mzimayi, mnyamata kapena mtsikana aliyense amene ali pano usiku uno ndi chosowa. Ndipo Atate, tikudziwa kuti tonse ndife osowa. Ndipo pamene tizichoka usiku uno tifuna timve mmitima yathu monga amuna aja a ku Emau atangotha - atachitira mboni chiukitsiro cha Khristu, pamene anati, “Kodi mitima yathu siinatenthe mkatи mwathu pamene lye amalankhula nafe m’njira muja?” Tipatseni Ambuye!

<sup>5</sup> Chizani odwala ndi ovutika. Pasakhalenso wofooka wina pakati pathu usiku uno msonkhano ukatha. Komanso chachikulu, pasasalire wina ali wosakhulupirirabe pakati pathu, Ambuye. Lolani kuti onse akhulupirire kwa Moyo Wamuyaya. Pakuti ndicho cholinga chathu posonkhana pano.

<sup>6</sup> Madalitsowa tikuwapempha kuti titengere ulemerero ku Ufumu wa Mulungu, mu Dzina la Yesu Khristu, Mwana wa Mulungu. Amen. (Mukhoza kukhala)

<sup>7</sup> Ndi bwino kuti tabweranso kuno usiku uno. Ndipo ndikuona kuti pali ochepa amene ali choyimirira, ndipo ndikuganiza - mateleponi onse ndi otchera tsopanoaku mizinda yosiyanasiyana kuzungulira dzikoli, ku San Francisco, ku Tucson, mpakana ku vuma uko. Ndipo ife kupiyolera m’mateleponi wa tikuwapatsa iwo moni. Tiri mu nyumba yolankhuliramo kuno usiku uno. Ndipo chipinda chonse chadzaza ndi m’mipata momwe, ndi m’makoma monse mwadzaza anthu kwathunthu. Ndipo ife tamva kuti usiku wa mawa tidzatsegula mwina mbali ina yochitirako masewero kuti tidzakhale ndi malo okulirapo amene ati adzasamalire, mwina sauzande ya anthu ena. Kotero tikuyembekezera zimenezo mawa usiku. Ngati yazaza usiku uno, omwe ndi usiku woyamba ndiye kaya, tikuakhulupirira kuti kudzapambana mawa usiku. Ndipo ndaona anayika mipando ya padela, ndi zinanso usiku uno.

<sup>8</sup> Tiri mziyembekezo zazikulu, poyamba...kudza kwa Ambuye Yesu; chachiwiri chipulumutso cha - kwa miyoyo yotaika yomwe ingamulandire Iye usiku uno ndi kukonzekera kudza kwake pamene Iye adzaonekera.

<sup>9</sup> Ndikufuna kuperekwa moni wapadera ndi kuwalandira amuna abwino onse amene ali pa guwa, amene ndamva kuti ambiri a iwo ndi atumiki. Pali anthu mazana angapo amene akhala ku guwa ndipo ndife othokoza zedi poona iwo ali pano.

<sup>10</sup> Kwa inu nonse kulikonse komwe muli m'malo osiyanasiyana adzikoli...Ndipo ndamva kuti ena omwe ali pano achokera ku tsidya la nyanja. Kotero tiri othokoza kuti inu lero muli pano kudzasangalala neafe mwa chiyanjano zomwe tikuyembekezera kuti Mulungu atipatsa pa msonkhano uno.

<sup>11</sup> Zikukhala ngati kuyambira pomwe ndinaganiza zoti ndibwerenso kuno kwa masiku ochepta a misonkhano mwakuti mtima wanga womwe wakhuzidwa mwa njira ya chirendo mwakuti ndikungomva mthupimu china chake chopambana kuti chichitika. Sindikuchidziwa kuti ndi chiyani, koma ndikuyembekezera kuti ndi vumbulutso lalikulu lochoka kwa Mulungu lomwe lidza - lidzakonza ndi kutipanga ife nzika zabwino za mu Ufumu Wake pamene tikanali mkuyenda mu m'dima uwu wa dziko la tchimo ndi kusakhulupirira.

<sup>12</sup> Usiku uno pa bwaloli, malo omwe ano, pasungika chinthu china chachikulu kwa ine. Poti ndikudziwa kuti anamanga molankhuliramo mwa sukului, ndakhala ndikufuna kukhala ndi ulaliki pa malo ano. Ndiri wothokoza kwambiri kwa bungwe la sukulu, ndi onse omwe akhala ndi chisomo kwa ife potipatsa mwayi woterewu. Panali pa malo omwewa, cha pena pake pano payima nyumba ino usiku uno, pamene chinthu chachikulu chinachitika zaka makumi atatu zapitazo, pa malo omwe ano. Sipanalinsa kalikonse ayi koma thengo la masache lokha nthawi imeneyo. Ndipo ndinali kukhala mkanyumba kakang'ono cha patsogolopo pafupi mayadi mahandede awiri. Ndinali okhudzidwa mmasiku amenewo kuti bambo anga apulumutsidwe ndi amayinso, amene onsewo sitiri nawo usiku uno, anapita. Ndipo maka maka tsiku limenelo ndinali wokhudzidwa kwambiri chifukwa cha bambo anga.

<sup>13</sup> Ndiukumbukira, ndinkagona pakhonde. Kunkatentha, nthawi ya chirimwe. Izi zinalembedwa ndikhulupirira mu kabukhu kotchedwa, "Yesu Khristu, yemweyo dzulo, lero, ndi kunthawi zosatha," kapena mwina mwake zinali mkabukhu kena kotchedwa, "Ine sindinakhale osamvera ku masomphenya a Kumwamba."

<sup>14</sup> Ndipo nditagona pakhondep, ndinadzutsidwa mwa dzidzidzi, ndipo chinthu cholemera chinapsyinja mtima wanga chifukwa cha bambo wanga. Monga ena ambiri a inu muno mu mzinda muno munkawadziwa bambo wanga, ndiganiza anali

munthu wotchuka, ngakhale anali wochimwa ndipo... Koma anali ndi chizolowezi choypa chomwe ndinayesa kulimbana nacho monga mmene ndikanathera, mu mbadwo wonse; chomwe chinali kuledzera. Ndipo usiku umenewu anali akumwa. Ndipo ndinadzuka ndi kupsyinjika kwakukulu mu mtima mwanga chifukwa cha iwovo. Ndipo nditavala zovala zapogona zokha, ndinangovala thalaiza yanga koma malaya a pajama ali mthupi, ndi nadzayenda mu kathengo ka masacheka mpaka kudzafika pafupi ndi apa pamangidwapa. Ndipo ndinagwada pansi ndi kuyamba kuwapempherera abambo angawo.

<sup>15</sup> Ndipo pamene ndinali kupemphera ndi kufunsa Mulungu kuti awapulumutse iwo ndipo osati kuti - kuwaleka afe ochimwa, ndinkawakonda... Ndipo pamene ndinali nkupemphera, ndinanyamuka ndiyang'ana cha kum'mawa, ndipo ndinaona masopmphenya. Ndipo pamwamba panga (ambiri a inu mumawadziwa masomphenyawo) panaima Ambuye Yesu.

<sup>16</sup> Tsuno, ine sindimangotengeka ndi zongoganizira momwe ndikudziwira; koma masomphenya ndi enieni. Ndipo Ambuye Yesu anayima pamene, nthawi yoyamba kuti ndimuone Iye m'masomphenya chotero. Analu pafupi mwakuti, O, pafupi mapazi khumi kuchokera pamutu panga, atayima m'malere phazi limodzi atalitsogoza. Anavalu chovala choyerwa cha mphonje m'mbalimu. Analu ndi tsitsi logwera mmapewa, ndipo anaoneka pafupi ngati-munthu amene Baibulo linati Iye anali, wa zaka makumi atatu, koma wamng'ono wathupi laling'ono, wang'ono zedi. Wooneka ngati sanali wolemera ngakhale malibisi 120.

<sup>17</sup> Ndipo ndinayang'ana, ndi kuganiza kuti panali china chomwe ndikana-chimalakwika. Kotero ine ndinasikisa maso anga ndi ndikuyang'anano m'mwamba. Ndipo Analu atayima cha m'mbali, kukhala ngati kuonetsa m'mbali mwa nkhopre Yake. Ndipo maonekedwe a nkhopre Yake, yomwe ndakhala ndikuiwona mmapewa inali monga mutu wa Yesu ali ndi zaka 30 wojambulidwa ndi Hoffman. Ndicho chifukwa chake ndiri nacho chithunzicho mnyumba mwanga, pa mabukhu anga, paliponse ndingachiike, chifukwa ndi momwe anaonekera, pafupifupi chonchija. Kungakhale kuti anali wooneka mochepa.

<sup>18</sup> Ndipo ine... pamene ndinali kuyang'ana mmwamba kwa Iye ndinaganiza, "Ndithu sindikuouna Ambuye atayima pamene." Ndipo ine ndinali ngati ndiri mu, ndingoti, pomwepa, ndi pomwepano mwina pamene ichi - pansi pa guwa pomwepa. Penapake, panali pafupi ndi panopa - pozungulira pamene ndayimapo, momwe ndikanalingira, pafupifupi mayadi 40 kapena 50 a gawo la mzinda uno penapake, mozungulira chonchi.

<sup>19</sup> Ndipo ndinakweza maso, ndipo lye anali atayima pamenepo. Ndipo ndinaluma chala changa kuti nditsimikize ngati sindinali mtulo. Mukudziwa mmene munga...kungooneka ngati sizingakhale choncho. Ndipo ndinali wam'ng'ono mwa Ambuye nthawi imeneyo, ndinali nditakhala ndikulalikira kwa miyezi isanu ndi umodzi. Ndinadziluma chala. Ndinatenga katsache ndi kukathyola. Ndipo ambiri a inu amene mumakhala m'midzi, mukudziwa momwe katsache kamakhalira moti ukhoza kutokosera m'mano. Ndinayamba kumakatafunu kamtengoko. Ndipo ndinati, "Sizi - sizingatheke. Ndiyenere kuti ndikulota. Kwathu ndi uko. Kuli bambo, mayi ndi ana onse kumeneko. Kuli nyumba ya kale ya njerwa, ndi dziwe lomwe linali pamenepo, pamene ine ndinkadzasakapo abakha. Pafupifupi mayadi 200 okha kuchokera pano. Ndipo ndi ine ndiri pathengo; ziyanera kukhala chomwecho."

<sup>20</sup> Ndinamenyetsa phazi langa pansi, kudumpha dumpha ndi miyendo yanga pang'ono, ndi kupukusa mutu wanga ndipo - ndinasisita ndi manja anga kuyang'ana m'mwamba kachiwiri; kuyangana kumbali, ndikumuyang'ananso; ndipo Iye anayima pomwepobe. Ndipo mphepo inayamba kuwomba, ndipo ndinaona masache aja akugwedezeza. Ndipo pamene inayamba kuwomba, zovala zake zinali kuwomedwanso. Monga zovala zoyanikidwa pa chingwe, zinayamba-kugwedezeza.

<sup>21</sup> Iye anali atayima pamenepo. Ine ndinamyangana. Ndipo ndimaganiza, "Ngati nditangopeza mwayi woti ndimuone nkhopo Yake." Pamenepo Iye mkuti akuyang'ana cha ku vuma, cha mbali yotere. Amkangoyangana mosalekeza. Ndipo ndinasuntha kuti ndizungulire kuti ndifike pafupi ndi cholinga chakuti ndimounetsetse Nkhope Yake, komabe sindinathe kumuonetsetsa Iye bwino. Manja ake anali patsogolo Pake, kwenikweni nditi samaoneka bwino pomwe ine ndinaimapo.

<sup>22</sup> Ndinasunthanso mozungulira, ndipo ndinatsokomola momveka chonchi; ndinapitirira (M'bale Branham ayerekeza - mkonzi.) kuti ndiwone ngati angandiyang'ane. Koma Iye sanasunthe mpang'ono pomwe.

<sup>23</sup> Ndiye ndinaganiza kuti "Mwina ndingomuitana." Pamene ndinati, "Yesu" Iye anatembenza mutu Wake; ndipo pamene Anandiyang'ana, anangokweza manja Ake. Ndizokhazo zomwe ndimakumbukirapo...kutangotsala pang'ono kuti dzuwa lituluke ine ndinali ndikali chigonere pena pake cha pompano pomwe pamangidwa pano mu kathengo, malaya a pajama yanga onse atangonyowa ndi misozi pamene ndinali nkulira, ndipo ndinakhala ngati wakufa. Nkhope Yake inali ndi maonekedwe omwe palibe wojambula amene akanatha-kujambula kapena kupenta. Sakanatha. Iye akaoneka ngati Mwamuna amene utati umuyang'ane, ukhoza kumangofuna kulira wekha ndi chifundo ndi ulemu, komabe ali ndi mphamvu zokwanira kuti

atangolankhula dziko lapansi likhoza kugubuduzika. Ndipo maonekedwewo sangalingaliridwe ndi wojambula.

<sup>24</sup> Ndipo sindikudziwabe mpakana lero chomwe izi zinali kutanthauza. Koma ndi ine ndiri pano patapita zaka makumi atatu, nditayima mchipinda cholankhuliramo chimene chapatalitsidwirano ku utumiki wa Mulungu wa Mphamvuzonse. Ndipo ine - membala wamba kwenikwemi kungoti - mtsogoleri wa pamalo ena - mu mpingo wa Baptist, komwe Roy Davis anali mbusa pa nthawi imeneyo. Ndipo tsono lero ndayima pamalo pano kwa khamu, pa malo omwewo ndi - momwe ine ndikuganizira, ali ogulidwa ndi Mwazi wa Yesu Khristu Mwiniwake ndipo ali m'manja kuti ndiwapatse uthenga wa Ambuye kwa masiku anayiwa.

<sup>25</sup> Panangopita miyezi isanu ndi umodzi izi zitachitika ndinali ndi kubatiza kwanga koyamba ku mtsinje uko pamene Kuwala kunadza pansi komwekuno ku Spring Street. Ambiri a inu mungafune kupitako kuti mukapawone, ku Spring Street ndi Water, mphepete mwa mtsinje momwemo. Ndipo pameneleo M'ngelo wa Ambuye anaonekera pagulu koyamba, ndipo - nthawi ya 2 koloko madzulo. Ndipo Liwu linachokera mmenemo, niliti, "Monga Yohane M'batizi anatumidwa kudzatsogolera kudza koyamba kwa Khristu, Uthenga wako udzatsogolera kudza kwachiwiri.

<sup>26</sup> Tsopano kwapita zaka makumi atatu, ndipo ndinebe usiku uno ndikulalikira Uthenga umenewo. Ndipo wapita kuzungulira dziko lapansi, ndipo ndiri wokondwa kuti ndabwera ku mzinda wa kwathu usiku uno kuti ndipereke Ambuye Yesu Khristu yemweyo amene ine ndi kumukondabe ndi mtima wanga wonse. Tsiku lirilonse akungokomerakomerabe kusiyana ndi momwe analiri dzulo. Sindinasinthe ngakhale pang'ono m'chiphunzitso changa. Choyamba chomwe ndinachichita, ndi chomwe ndikuchikhulupirira usiku uno. Iye ali yemweyo dzulo lero ndi kunthawi zosatha.

<sup>27</sup> Tsopano, ndiri ndi Uthenga omwe uli m'manja anga. Pamene Uthenga unayamba, unalidi... Aliyense ankapempherera odwala, zizindikiro zazikulu, zozizwitsa ndi zochitika nthawi yomweyo, zimene zinayamba makamaka ndi anthu Achipentekoste, chitsitsimutso cha misonkhano ya machiritso inasesa dziko lonse lapansi. Kwa zaka khumi ndi zisanu zamphumphu pakhala pali zitsitsimutso pa phiri lirilonse limene liripo ndi kukhulupirira. Moto wa chitsitsimutso ukuyaka. Anthu mamilioni kumene amuvomereza Khristu monga Mpulumutsi wawo kuchokera mu utumiki umodziwu. Zimenezo zinadzodza anthu kuyambira pameneleo mpaka Oral Roberts, ndi ena otero, ndi kumangopitirirabe monga momwe zinafalitsikira, mpingo wa Chipentekoste uli mu chikhalidwe chake chakufa momwe unaliri.

<sup>28</sup> Zolinga zanga ndi zokhumba zanga usiku uno ndi kuudzutsa mpingo umenewo kachiwiri kuti ubwerere kwa Ambuye Yesu amene kudza kwawo kwayandikira. Ndiyenera kuudzudzula... Ndiyenera kudzudzula tchimo mwa njira iliyonse. Sindikunena mu dinomineshoni ya wina aliyense. Ine ndiri ndi Uthenga.

<sup>29</sup> Tsopano, ndikuvuta kupeza mpingo wokuthandiza monga kunaliri ndi Ambuye Yesu; chifukwa ndi lye; si ineyo ayi. Koma monga Iye analalikira poyamba, nachiritsa odwala, nazutsa akufa, nayeretsa akhate, ndi kutulutsa ziwanda, aliyense ankamufuna Iye. Koma inafika nthawi pamene kumakhala Uthenga womwe umasatira chizindikiro chirichonse chifukwa chizindikiro chiri ndi liwu. Koma pamene Iye anayima tsiku lina, nati, "Ine ndi Atate Anga ndi M'modzi!" zimenezo zinali zakuti sakanatha kupirira nazo.

<sup>30</sup> Kunalinso pamene Anati, "Ngati simudyia thupi la Mwana wa munthu, ndi kumwe magazi Ake, mwa inu mulibe Moyo."

<sup>31</sup> Bwanji... Motani, madokotala ndi anthu organiza bwino ankakhoza kunena kuti, "Uyu ndi wakudya anthu, akufuna inu muzidya thupi lake ndi kumwe magazi ake." Iye sanafotokoze momveka; anangolankhula choncho.

<sup>32</sup> Ndipo usiku uno mukhoza kumva zinthu mu msonkhano uno zimene zingonenedwa, mwina sitikhala ndi mwayi wozifotokoza, koma kumbukirani, Yesu Khristu ali yemweyo dzulo, lero ndi nthawi zonse. Ife tikukhulupirira zimenezi.

<sup>33</sup> Tsopano tiribe nthawi yoti tilankhule kwambiri, chifukwa tiri ndi nthawi zoyenera kuyambira pano ndi nthawi zotulukira. Ndipo tikufuna kulemekeza bungwe la sukulu limene linakhazikitsa nthawi zimenezi kwa ife. Ndipo tichita zonse zomwe tingachite powalemekeza.

<sup>34</sup> Kumbukirani, nthawi ina iliyonse imene wochimwa afuna kudza kwa Khristu, zomwe mungachite ndi kungobwera kumene ndikulalikira kuno, kaya nkuti tikuyimba, kaya chiyani, mudzangoperekayo moyo wanu kwa Khristu nthawi yomweyo pamene mudzuka pa mpando wanu. Ndi zomwe tadzera ife pano, kudzakuthandizani inu.

<sup>35</sup> Ndikufuna kulankhula ndi Mbale Vayle, Mbale Borders, ndi abale pano. Ngati... Ndikudabwa ngati sangakhale nazo madzulo ano mu tchalitchi muno, kapena mmawa wina, kapena china chake, msonkhano wa malangizo kwa iwo omwe akufuna ubatizo wa Mzimu Woyer? Kodi zikhala bwino tikatero, inu abale, M'bale Neville ndi onse a inu mukhoza kubwera kuno, M'bale Capps?

<sup>36</sup> Ngati pali wina amene akufuna kulangizidwa pa za ubatizo wa Mzimu Woyer, ingobwerani ku Kachisi (M'bale Branham, akufunsa za nthawi - Mkonzi) cha m'ma 10 koloko m'mawa.

<sup>37</sup> Ngati muli ndi funso pa chiphunzitso, ngati muli ndi funso pa uthenga, ngati inu - ngati mukufuna kuti... Ngati simunalangizidwepo panokha, ndipo mukusowa kupempheleredwa, kaya chirichonse chomwe mukufuna kudziwa anthu ndi amenewo alipo...Bwanji mutabwera kumeneko m'ma 10 koloko mmawa ndi kukawaona anthu awa. Padzakhala m'modzi kapena ambiri a iwowa kumeneko kudzakulangizani, kupempherera odwala, kuyankha mafunso kwa munthu payekha angachitire...Inu - inu mudzangofika kwa iwo ndipo iwo adzakhala okondwa kukuthandizani mwa njira yomwe angachitire.

<sup>38</sup> Tsopano, tisanayandikire ku Mawu, tikufuna tiyandikire kwa Yemwe Analemba Mawuwonso. Mukhoza kudy kwambiri; kaya kumwa kopitirira muyezo; mukhoza kuseka kwambiri; mukhoza kuyenda kwambiri; koma simungapemphere kokwanira. "Ndikanafuna kuti anthu azipemphera paliponse, atakweza manja awo oyera popanda kukaika kapena...?" Tiyen'i tipemphere.

<sup>39</sup> Wokondedwa Yesu, Mlembi wa Mawu a Moyo ndipo Inu ndi Mawuwo - tsono modzichepetsa tikuyandikira kwa Inu titatha kulongosola masomphenya aja, Mulungu, Inu Ndinu mbomi yanga kuti zimenezi ndi zoonia. Ambuye Yesu, Ndikupempha kuti mudzoze mawu usiku uno kwa khutu lirilonse lomwe litili limve Zauzimu kuti limvedi. Ndipo ngati alipo ena pano kapena amene akumvera ku fuko lonse lino, anali asanakonzeke pa ora lino kukumana ndi chitsutso cha ora lino, Uthenga wochokera kwa Mulungu, kuti alape ndi kukonzekera; pakuti Ufumu wa Mulungu wayandikira. Tikupemphera kuti kutero usiku uno kwa iwo, kuti akumane ndi chitsutso cha ora lino.

<sup>40</sup> O Mulungu, ndikupempha thandizo, podziwa udindo womwe ndiri nawo ndi chomwe ukutanthaiza ndi chomwe - Ine ndidzayankha pa tsiku la chiweruzo chifukwa cha zonse nditi ndinene pano ndi kwina kuli konse. Ndithandizeni kuti ndikhale wonena modziperekwa kwathunthu, Ambuye, ndi zonse zomwe ndikuchita kapena kunena m'Mawu Anu, kuti zibereke zipatso. Pakuti monga momwe kutuma kwanu kunaliri, "Usalore kuti Mawu achoke pakamwa pako, koma uwalingarire usana ndi usiku, kuti utsate kuchita zonse zimene zinalembedwa m'malamulo. Ndipo potero udzapindula mzochita zako, ndiponiso udzapambana bwino. Kodi ine sindinakulamulire iwe, khala wamphamu ndi wolimba mtima, pakuti Ambuye Mulungu wako ali mawe kulikonse komwe udzapita." Ambuye Yesu, chitani izi motero usiku uno. Tikupemphera m'Dzina la Yesu. Amen.

<sup>41</sup> Lachisanu ndi Loweruka kuyambira 10 koloko mpakana 12 koloko ku kachisi ku 8th ndi Penn Street, kudzakhala malangizo, mayankho a chipunzitso, kupempherera odwala ndi zina zonse. Dzafikeni ngati muli ndi funso lirilonse, chirichonse chomwe

mukusowa. Kudzakhala amuna kumeneko ku - kuti akachite zonsez. Ambuye akudalitseni!

<sup>42</sup> Tsopano, potsegula nsonkhano wathu usiku uno, sindingachite china chili chonse choposa kutsegula basi ku uthenga wanga. Ndicho chomwe tabwerera pano. Ndipo tsono ndi chomwe ndabwerera pambuyo. Ndipo mmawa wa Lamlungu, Ambuye akalola ndikufuna kudzakumana ndi chitsutso cha masiku ano, pa za “Chikwati Ndi Chilekano.”

<sup>43</sup> Tsopano, mu Agalatiya 4:27, ndikufuna kuwerenga mawu awa, 4:27 mpaka 31 pamodzi.

*“Pakuti kunalembedwa,  
Kondwera, iwe chumba wosabala;  
yimba nthungululu, nufuule iwe wosamva kuwawa  
kwa kubala:*

*Pakuti ana a mbeta amachuluka kusiyana ndi iye  
amene ali ndi mwamuna.*

*Koma ife, abale, monga Isake analiri, tiri ana a lonjezo.  
Koma monga kunaliri kwa iye amene anabadwa  
mwa thupi kuti anazunza iye amene anabadwa mwa  
Mzimu chimodzimodzinso tsopano Komabe nanga  
Lembo limati chiyani? Chotsa mkazi wa mu nsinga  
ndi mwana wake: Pakuti mwana wake wa mkazi  
wa mu nsinga sadzakhala osiyiridwa chuma pamodzi  
ndi mwana wake wa mkazi wa mu ufulu. Koterono,  
abwenzi, ife sitiri ana a mkazi wa mu nsinga koma a wa  
mu ufulu.”*

<sup>44</sup> Ambuye awonjezere madalitso Awo pa kuwerenga kwa Mawu Awo. Tsopano, ndikukhulupirira pano kuti nditenga phunziro motere, mwa njira ya chilendo, mosazolowereka. Koma nthawi zinatu timapeza Mulungu mu zachilendo, nthawi zosayembekezekwa, njira yosazolowereka, zinthu zosayembedezeka. Chifukwa Mulungu ndi wosazolowereka, ndipo iwo amene amamutumikira Iye ndi mtima wao wonse kwenikweni, amamutumikira lye mu njira zosazolowereka ku zinthu kapena njira za m'dziko lapansi. Phunziro ili likutchedwa “Mbewu Sizilowa Ufumu Pamodzi Ndi Makoko.”

<sup>45</sup> Paulo apa akukamba za mbewu zenizeni ndizo ana aamuna awiri a Abrahamu. Paulo akudziika yekha mokondwera pa malo otu anabadwa mwa mkazi wa mu ufulu.

<sup>46</sup> Tsopano, tikudziwa kuti Abrahamu anali ndi awiri, mwa azimai awironso osiyana. Mulungu anamupatsa iye lonjezo mwa Sarah - kupyolera mwa Sarah, titi, kuti padzabadwa Mwana wamwamuna, ndipo kupyolera mwa Mwana ameneyu, dziko lonse lidzakhalitsidwa. Mitundu yonse idzakhalitsidwa mwa Mwana ameneyu. Ndipo zimakhulupiliridwa kwambiri makamaka pakati pa Ayuda kuti ameneyo anali Isake, koma

sanali. Mwana wolonjezedwa wa Abrahamu ndi Yesu, ndipo lye ndi Mbewu Yachifumu yolonjezedwa ya Abrahamu.

<sup>47</sup> Koma Abrahamu pokhala nawo ana aamuna awiri, mmodzi mwa - mwa Hagara, amene anali wantchito wa mkazi wake, mkazi wokongola, wosirika wantchito wa Chiigupto amene Abrahamu anakamatengera iye ku Igupto - kuti akhale - wantchito wa mkazi wake. Ndipo Sarah, poganiza kuti Mulungu sangathe kukwaniritsa lonjezo lake lonse moona, iye anamuuzza Abrahamu kuti angomutenga Hagara wantchito wake wamkazi namukwatire (pakuti mitala inali yololezedwa masiku amenewo) ndipo kuti akhoze kubereka mwanayo ndipo iyo inali njira imene Mulungu anayikonzeratu, kuti iye akakhale ndi mwana kupyolera mwa Hagara yekha... Koma ife tikupeza kuti sizinali choncho ayi.

<sup>48</sup> Tsopano, tikumvetsetsanso kuti Mulungu amakhala wangwiwo patatu. Tsono, Mulungu amakhala wangwiwo patatu. Chisomo ndi zisanu. Zisanu ndi ziwiri ndi kutsiriza, monga dziko lapansi. Mulungu amakhala wangwiwo mwa Atate, Mwana, Mzimu Woyera. Uwo ndiwo ungiwo wa Umulungu. Mulungu m'modzi yense mu makwaniritsidwe a khalidwe la udindo umodzi - kapena titi maudindo atatu a mu Umulungu umodzi.

<sup>49</sup> Tsono, ndi patatunso mu masitepe a ungiwo wa chisomo cha kwa mpingo: Kulungamitsidwa, Kuyeretsedwa, Ubatizo wa Mzimu Woyera. Zimenezo zimapezeka kuti pakhale kubadwa mwatsopano. Monga momwe zimachitikira pa kubadwa kwa mwa chilengedwe kuti pamene mkazi abereka mwana, choyamba kutuluka ndi madzi, magazi, ndipo kenako moyo. Baibulo linati pa 1 Yohane 5:7 kapena 7:5, ndikukhulupirira ndi pamene - pamene anati "Pali atatu amene ali ndi umboni Kumwamba Atate, Mawu (amene anali Mwana), ndi Mzimu Woyera; atatuwo ndi M'modzi. Pali atatu amene ali ndi umboni pa dziko lapansi: Mawu - madzi magazi ndi mzimu; atatuwa amagwirizana pa chimodzi.

<sup>50</sup> Tsopano, Atate, Mwana ndi Mzimu Woyera ndi Mmodzi simungakhale ndi Atate popanda kukhala ndi Mwana; simungakhale ndi Mwana popanda kukhala ndi Mzimu Woyera. Koma mukhoza kulungamitsidwa opanda kuyeretsedwa. Mukhoza kuyeretsedwa osadzazidwa ndi Mzimu Woyera. Timazionetsera zimenezo mwa dongosolo la chilengedwe.

<sup>51</sup> Tsopano, ndipo ambiri a inu mwina...ine ndingakhale mlendo kwa inu. Ndipo ine ndine wopanda maphunziro, ndipo ndikutsimikiza kuti mukumvetsa ndi kale lomwe. Koma ine ndimaphunzitsa mwa zifanizo, momwe zachilengedwe zimafananira ndi zauzimu.

<sup>52</sup> Tsopano, tikuona kuti pali zitatu pa ungiwo. Mulungu amakhala wangwiwo patatu. Tsopano, ndipo zimenezo zinali

mu ungwiro wa mbewu ya Abrahamu pomwe kunali Ishmaeli, Isake, Yesu: Ishmaeli wochokera mwa mkazi wa mu nsinga, Isake wochokera mwa mkazi wa mu ufulu - ndipo onse awiri mwa njira ya kukhudzana kwa mwamuna ndi mkazi koma Khristu Yesu wochokera mwa namwali, popanda kukhudzana.

<sup>53</sup> Pano mbewu iyi, imodzi, Mbewu imodzi, osati mbewu zambiri, koma Mbewu imodzi. Ena onsewa sanali mbewu ya Abrahamu, chifukwa Mbewu ya Abrahamu inali Mbewu ya chikhulupiliro chake yomwe Mulungu ankayinenza, osati mbewu yake ya chilengedwe. Chifukwa Sarah atafa Abrahamu anakwatira mkazi wina ndipo anabereka naye ana asanu ndi awiri osawerengera ana akazi. Kotero sizikanakhala mbewu za Abrahamu, inali Mbewu ya Ufumu imene inali nkudza kupyolera mu chikhulupiriro cha Abrahamu, osati moyo wachilengedwe wa Abrahamu, amene anatenga chilichonse chosiyana ndi Mawu a Mulungu ngati kulibe, ndipo anakhulupirira Mulungu, popanda chiyembekezo anakhulupirira mwa chiyembekezo. Imeneyo ndiyo Mbewu yeniyeni imene tikuyinena.

<sup>54</sup> Pano tikuonetsetwa chithunzi chabe. Mbewu inayamba, mbewu ya lonjezo inayamba mokayikiridwa pang'ono - chikayiko pa lonjezo loyamba. Mukuona momwe zikuyambira pansi mwa chikayiko pa lonjezo loyamba? Mulungu anamulonjeza Abrahamu kuti adzakhala ndi mwana kupyolera mwa Sarah. Koma tsono taonani, mbewu yoyamba ya Abrahamu mwa mzakadzi inadza mwa kukaika kwa Sarah kuti zimenezi zingachitike, chifukwa iye anali wokalamba ndipo atapitirira zaka zoti angamabereke.

<sup>55</sup> Tsono, umo ndi momwe mpingo umayambira. Ndi momwe umayambira nthawi zonse. Mumayambira pansi simumayambira pamwamba. Munthu wofuna kukwera pa makwelero, akafuna kuti ayambe wafika kaye pamwamba, akhoza kudzithyola khosi. Umayenera kuyamba ndiye kenako kumakwera mpaka kukafika pamene. Ndipo pano tikuona chiyambi cha lonjezo la Mulungu chikukwanirtsika kupyolera mu kukaikira pang'ono, kumene kunasokoneza dongosolo la Mulungu.

<sup>56</sup> Ndi momwe tchimo linayambira m'munda wa Edeni. Umo ndi momwe imfa inayambira ndi tchimo, panali pomwe liwu limodzi la Mulungu linanenedwa mosokeneza kapena kukayikiridwa. Simungakayikire kapena kusokoneza liwu limodzi la Mulungu limene liri ATERO AMBUYE...Mawu akhale momwemo.

<sup>57</sup> Ndipo pano ngakhale Sarah amene lonjezo...Sarah pokhala mzimayi (yemwe amayimira mpingo) anakayikira dongosolo loyamba la Mawu olonjzedwa a Mulungau, nati, "Inu Abrahamu, amuna anga, kamtengeni wantchito wokongolayo,

nimukakhale naye, ndi kukhala mwamuna wake. Ndipo Mulungu adzapereka mbewu yolonjezedwayi kupyolera mwa iye; ndipo ine ndidzamtenga mwanayo.” Onani, kungophonyetsa pang’ono kunasinta dongosolo lonse. Kotero ife tiyenera kutenga liwu liri lonse la Mulungu ngati ATERO AMBUYE. Liwu liri lonse la Mulungu ndi loona.

<sup>58</sup> Apa mbewu ikuyambano mwa kukayikira pang’ono lonjezo. Isake pokhala mbewu ya mzimayi wolonjezedwa waufulu, anabadwa - monga momwe Paulo amayesa kufotokoza pa Agalatiya - iye anabadwa mwa thupi, mbewu yolonjezedwa. Ndipo akupitirira kunena apa kuti ana a mzakadzi sangalowe ufumu pamodzi ndi ana a mkazi wa mu ufulu, chifukwa iwo ndi a magulu awiri osiyana. Ndipo zimenezo ndi zonna. Wosakhulupirira sangalowe ufumu palimodzi ndi wokhulupirira. Ndi zosatheka mpang’ono pomwe.

<sup>59</sup> Ndi pamene pali vuto lero. Simungathe kuipangitsa nkuku ya mudinomineshoni kuti ikhulupirire pamodzi ndi mphungu. Sizingatheke konse. Apa ndi pamene pamadzera vuto. Muyenera kukhulupirira liwu lirilonse la Mulungu. Inu nokha simuli olowa ufumu pamodzi ndi iwo; ndipo sizidzatheka - kuti inu mudzajowinane nawo. Simungatero. Inu muyenera kukhala mphungu apo ayi nkuku.

<sup>60</sup> Sizikanatheka kulowa ufumu pamodzi ndi Ishmaeli, mbewu ya mzakadzi chifukwa cha kukaika. Sarah anakaikira Mawu a Mulungu, kuti Mulungu akanatha kuwakwanirtsa. Taonani Abrahamu (mukuchiona chomwe ndikukonzekera pa ulaliki wa Lamulungu m’mawa) - Abrahamu sanalikayikire ayi. Sarah ndi amene analikayikira. Analu mkaziyo. Sanali Adamu amene anakayikira, analu Hava amene anakayikira. Koterono tidzapeza zambiri za izo pamene tidzamangiriza mmawa wa Lamulungu lino.

<sup>61</sup> Wauzimunso sangatero-za thupi kuti zilowe ufumu pamodzi ndi za Uzimu. Momwenso ana a Ishmaeli sangalowere ufumu pamodzi ndi a - ndi - ana a Isake, ndi momwenso achithupithupi sangalowe ufumu ndi a Uzimu.

<sup>62</sup> Mpingo mwathupi, mpingo mwaUzimu. Pali mpingo mwathupi umene azimayi awa apa amayimira, ndipo pali Mpingo wa Uzimu’ns. Kotero mpingo mwathupi ndi Mpingo wa Uzimu sizingalowe ufumu pamodzi. Iyo ndi iwiri yosiyana, nthawi zosiyana, anthu awiri osiyana, okhala pansi pa mapangano osiyana.

<sup>63</sup> Ndicho chifukwa chakenso mkwatulo uli wosiyana, ndi kuti uli wa okhawo omwe ali Mbewu Yachifumu ya Abrahamu. Sizingachitike mwa Mbewu yachilengedwe, mbewu ya mpingo mwathupi. Idzakhala Mbewu Yaufumu ya Mawu a Mulungu kupyolera mwa Abrahamu, Mbewu yachifumu. Nchifukwa chake mkwatulo uyenera kuyamba wachitika, chifukwa,

kumbukirani, "Ife amene tiri ndi moyo amene tatsalira sitidzalepheretsa, kuchinjiriza iwo amene ali nkugona. Pakuti lipenga la Mulungu lidzaombedwa, akufa mwa Khristu adzauka poyamba. Ife amene tiri amoyo ndi kutsalira tidzakwatulidwa pamodzi ndi iwo kukakomana ndi Ambuye mumlengalenga." Zindikirani, ndipo kwalembedwanso, "Ndipo akufa ena onse sadzakhala ndi moyo kwa zaka chikwi."

<sup>64</sup> Kotero iwo ali - iwo sadzalowa ufumu palimodzi nawo; sadzakhala munkwatulo pamodzi. Ulipodi mpingo mwathupi ndi Mpingo wa Uzimu, mpingo mwa thupi, Mpingo wa Uzimu.

<sup>65</sup> Pali... onani pano palibe... Palibe chiweruzo kwa mbewu Yachifumu, Mbewu Yosankhidwiratu ya Abrahamu, pakuti Iwo anakonzedweratu ku Moyo Wosatha. Iwo avomereza Nsembe ya Mulungu yoperekedwa, ndipo Nsembeyo ndi Khristu, Mawu. "Ndipo, chotero, tsopano palibe chowatsutsa (Yohane Woyer 5:24, ngati mukufuna Malembo)... Chotero, tsopano palibe chowatsutsa iwo amene ali mwa Khristu Yesu (Aroma 8:1)... osayenda mwa kufuna kwa thupi, koma mwa Mzimu." Ndipo pa Aroma 5:24, "Iye amene amva Mawu Anga (pamenepa kumvetsa Mawu, Woledzera aliyense akhoza kumva chiri chonse nachokapo)... Koma iye amene amva Mawu Anga -kumvetsa Mawu anga - nakhulupirira Iye amene anandituma Ine, ali ndi Moyo wosatha, ndipo sadzafika ku chiweruzo, koma wachoka ku imfa nafika ku Moyo." Inde, bwana! Amene chinsinsi chachikulu cha Mulungu ichi chadziwika kwa iye, kumvetsa, momwe Mulungu analiri mwa Khristu kudziyanjanitsa Yekha kwa dziko lonse momwe Iye ndi Atate anali M'modzi, momwe zinsinsi zazikulu za kukwaniritsa kwa Mulungu podzitenga nadzibweretsa Yekha, kukasanduka thupi mu mbadwo wa anthu, mwa njira ya anthu, ndi pakati pa anthu, kukwaniritsa Mawu Ake mu tsiku la kutuluka kwa dzuwa kum'mawa nachita zofanana ndi momwe dzuwa limalowera kumadzulo, kudzikwaniritsa Yekha mu Mpingo wa Mkwatibwi, Mawu kusandulika thupi. Mukuona? Zidzachitika kuti... "Iye amene amvetsa (Ndiko, kudziwa), kuti chaululika kwa iye za Iye amene anandituma Ine, ali ndi Moyo Wosatha, ndipo sadzafika ku chiweruzo, koma wachoka ku imfa-nafika ku Moyo."

<sup>66</sup> Mbewu ya mwa thupi inali mongozeramo Yauzimuyo - Mbewu, monga phesi, ngayaye, ndi makoko. Ife tazera m'menemo poyamba mwa uthenga wina koma ndafuna kukuonetsani zoyamba zake pang'ono - kapena kungobwerezango kwa miniti imodzi.

<sup>67</sup> Tsopano, pano pali masiteji atutu a mbewu, kutionetsa ife chithunzi chenicheni, masiteji atatu a mbewu ya mwa thupi pa dziko lapansi Monga mbewu ibzalidwa, imatulutsa thunthu lake, timasamba tiwiri timatulukira pamenepe, kenako ngayaye, kenako nyenje, ndipo kenako makoko, ndi kenako mbewunso.

<sup>68</sup> Yang'anitsitsani masiteji a fanizo langwiroli apa ndi momwe zimachitikira moyimira, chifukwa Mulungu ndi Mlengi wa Chilengedwe chonse, Kotero chilengedwe sicingaphonyetse momwenso Mulungu sangalepherere, chifukwa Iye anali Amene Anaika zinthu mu chikhaliidwe chake - kuti ife tizichiyang'ana ndi kuona.

<sup>69</sup> Taonani Hagara thunthu, amene anali chiyambi cha mbewu pomera. Tsopano, sichinkaoneka mwa njira ina iliyonse ngati mbewu. Linali thunthu, chifukwa iye anali mzakadzi, osati wa mlonjezolo konse, popanda chochita ndi Mawu, kungokhala mopyoleramo mbewu.

<sup>70</sup> Taonani Sarah ngayaye, zimene zinali ndi ufa linachokera mwa iye, kuyambira...kuchokera mwa Sarah munabadwa Isake, kupyolera mwa Isake munabadwa Yakobo, Yakobo anabala mbadwa zija ndipo kupyolera mwa mbadwazo munabadwa fuko.

<sup>71</sup> Maria namwali, chikhulupiro, anabala mbewu ya Uzimu ya Mawu atasanduka thupi Mukuona? Akazi atatu, akazi atatu amene mbewu iyi yazeramo. M'modzi wa iwo anachita naye chigololo mwa mitala. Wachiwiri anali mkazi wa mu ufulu, ndipo wachitatu panalibe zokhuzana konse, koma mwa chikhukupiro anakhulupirira Mawu a Mulungu. Hagara, Sarah... Onse Sarah ndi Hagara kunali kukhuzana, koma Maria anali namwali mwa mphamvu ya Mawu olonjezedwa a Mulungu. Ndi choncho!

<sup>72</sup> Thunthu, Hagara... Akazi awiri anakayika lonjezo, koma taonani chomwe kuteroko kunabereka. Pamene Hagara, mkazi wachiwiri wa Abrahamu, amene analimkazi womangogona naye... Koma iye anabala mwamuna. Koma anali mwamuna wa mtundu wanji? Baibulo limati anali munthu wolusa. Ankakhala pafupi ndi uta wake ndipo panalibe amene ankamugonjetsa iye. Analis wosati nkusewera naye, osatembenuka mtima, osazolowereka. Analis munthu wolusa. Analis munthu wa mthengo, chifukwa anali wakudza mosagwirizana ndi Mawu a Mulungu. Ndipo chilichonse chimene chiri chosagwirizana, mlaliki aliyense, membala aliyense tchalitchi chirichonse, amene ali osagwirizana ndi Mawu a Mulungu zimabala gulu lolusa la u Hollywood wa mdziko lapansi wa chigololo, amene sangakhale ndi Mawu osasungunula, chifukwa sali-owerengeredwa mu lonjezo. Ayi!

<sup>73</sup> Sarah mkazi weni weni wa lonjezo, pokhala ngayaye, anabala munthu wofatsa. Ndipo mapeto ake anatalutsa fuko lolonjezedwa limene linatumikira Mulungu. Koma Maria mopanda kukhuzana konse, koma anakhulupirira Mawu olonjezedwa pamene anali namwali, mosadziwana ndi mwamuna. Ndipo Mngelo wa Ambuye anadzakomana naye,

nati, "Tikuonenei, Maria, ndinu odala pakati pa akazi onse, pakuti Mulungu ali ndi inu."

<sup>74</sup> Ndipo iye anati, "Zinthu izi zichitika chotani?"

<sup>75</sup> Mngelo - iye anati...Mngelo anati, "Mzimu Woyeru udzakufungatira iwe."

<sup>76</sup> Zinali zisanachitike mmibadwo yina yonse, koma Maria anakhulupirira Mulungu. Ndipo iye anati, "Onani mzakadzi wa Ambuye." Iye anakhulupirira Mawu. Kodiakanadzakhala naye chotani? Iye anadziwa kuti Hagara anakhala ndi mwana mwa kukhuzana atakhumbirana ndi Abrahamu - ana a lonjezo, mzakadzi ndi mkazi wa mu ufulu - koma apa akufunsidwa akhulupirire zimenezo mogwirizana ndi chikhulupiriro chimene chinali mwa Abrahamu amene anakhulupirira zosatheka wamba; "Bola ngati Mulungu ananena kuti zinali choncho, zimenezo zinakhala zolondola!" . . .

<sup>77</sup> Iye anakhulupirira Mulungu, sanakayikirenso. Anangoti "Taonani mzakadzi wa Ambuye. Ngakhale ndilandire chitsutso chotani kuchokera mdziko lonse, zikhale kwa ine momwe Mawu Anu anenera." Pamenepe panapezekwa Mbewu yeniyeni.

<sup>78</sup> Sarah sakanatha kotero, chifukwa zinali mwa kukhuzana kwa mwamuna ndi mkazi. Ndi choncho. Momwe Sarah sakanathera chifukwa zinali mwa kukhuzana kwa mwamuna ndi mkazi; chimodzi modzinso. Mpingo pansi pa mabungwe; umatenga chikhulupiriro changwi mu Mawu a Mulungu kuti apange lonjezo lodzabala ana. Za m'mabungwe olamulira mipingo sizidzabereka mpingo wobadwa kachiwiri. Sangathe. Azingobereka zina zongofanana ngati basi. Angobereka zina zake - zina zongoonera basi, zina zimene zimafuna kuchita ngati zenizeni. Koma Mpingo wa Mulungu wobadwanso kwenikwensi umakhulupirira Mawu a Mulungu pamaso pa china chiri chonse ngakhale chiri chiyani, chifukwa ndi osasakaniza ndi zina. Ndi mwa lonjezo la Mulungu momwe zinthu izi zimadzera.

<sup>79</sup> Maria woonayo ananena mwa - popanda kukhuzana - anati, "Zichitike kwa ine momwe Mawu anu anenera. Taonani mzakadzi Wanu." Ndipo iye anabereka...Kodi anabereka chiyani? Osati munthu wolusa, osati fuko, koma anabaleka Mawu, Mulungu Mwiniwake atasandulika thupi (amen!) Mbewu yeniyeni ya Mulungu imene inakwanirtsia lonjezo liri lonse limene Mulungu analipanga mu Baibulo. Popanda Iye palibe munthu aliyense angakhale ndi moyo - popanda Iye. Mkazi uyu anali mbewu yeniyeni. Iye anapyola pa...iye anali makoko amene anabala mbewuyo.

<sup>80</sup> Tsuno awiri enawa anali njira yongopyolamo moyo chabe, momwe mbewu zachilengedwe zimachitira. Maria... Tsopano kumbukani, ine ndati awiri enawa...Tsopano Maria, musamuyese iye Mulungu, monga momwe anthu ena amayesa

kumupanga iye. Iye sanali Mulungu ayi. Ayi, bwana! Iye anali chongonyamulira Mbewu monga ena onse aja analiri.

<sup>81</sup> Koma monga chikhulupiro pa Mawu chimafikitsa ku kufanana kwenikweni, ndi momwenso chimanga chimakhwimira, kapena tirigu. Amamera poyamba thunthu; kenako kumadza ngayaye; kenako kumadza makoko. Koma pamene...Inu ganizani...Makoko amenewo ngati simuonetsetsa amaoneka mongofanana ndi tirigu weniweni. Koma pamene musenda makokowo tirigu weniweniyo ali mkati mwakemo. Ichi ndi chongokutiranso.

<sup>82</sup> Choncho mukumuona Maria, popanda kukhumbirana, koma mwa chikhulupiro, china chofanana nacho zedi...Maria sanali Mbewuyo. Maria anali chotengera cha mbewu. Mwanayo anali Mbewu yeniyeni ya chikhulupiro, chifukwa Mawu a Mulungu anaperekedwa kwa Abrahamu mwa chikhulupiro. Ndipo ndi chikhulupiliro chokha chomwe chingatulutse zomwe Mulungu ananena kuti adzachita, chikhulupiliro mu Mawu ake.

<sup>83</sup> Taonani, momwe Maria amachita kufanana kwambiri monga chenichenico, koma anali ngati makoko. Makoko amakutira mbewuyi mkati mwavo, namaiteteza, namailera, mpaka idzayime yokha, yokhwima. Ndi momwe mbadwo wachitatu wa mpingo wa Pentekoste unakhwimira utakuta mbewuyi mpaka itakwana nthawi yakumasuka kwa makoko. Maria pokhala mayi wa Khristu, monga wongofungatira. Mwanayo sanali magazi a Maria; Iye sanali magazi a Myuda; Iye sanali magazi a Amitundu; Iye anali magazi a Mulungu. Mulungu analenga magazi amenewa. Sizikanakhala kukhudzana ayi. Iye sanali Myuda kapena wa Amitundu ayi.

<sup>84</sup> Mwana samatenga ngakhale dontho la magazi a amayi ake. Magazi amachokera kwa abambo ake. Ife timadziwa kuti hemoglobini imapezeka mwa mwamuna. Monga nkhuku, ikhoza kuikira dzira, thazi ikhoza kutero koma ngati sinakumane ndi nkhuku yaimuna, tambala, silidzaswa. Ndi lopanda moyo ngakhale likuoneka chimodzimodzi monga dzira lenileni lamoyo. Maonekedwe ake onse ndi ofanana, koma libibe moyo mwa ilo.

<sup>85</sup> Ndi mmenenso amakhalira anthu amene amanena za Yesu. Ambiri a iwo amaoneka ngati Akhristu, kuyesera kuchita ngati Akhristu, koma umayenera kukhala naye Yesu mkati mwanu, amene ali Mawu osandulika thupi, kapena ayi ndiye kuti simudzakhwima nimukhala Akhristu Okhulupirira Baibulo enieni. Nthawi zonse zidzangokhala zina zake za ma dinomineshoni. Sizingakhale ndi moyo popeza mulibe moyo mwa izo kuti zikhale ndi moyo. Dzira silingaswe, limasukusa mchisa momwemo ngati siinakomane ndi - ndi nkhuku yaimuna.

<sup>86</sup> Chimodzimodzinso mamembala a tchalitchi. Mukhoza kuwalela monga mwana ndi kuwatcha - kuwaveka udikoni ndi zina zonse, koma adza...mwangosunga chisa chodzaza ndi mazira osukusa pokhapokha ngati thadzi linayenda ndi tambala. Ndi zolondola zimenezo!

<sup>87</sup> Chotengera khoko, chinangolera. Ndi momwemo. Ndiye iyo, ndiyo, mbewuyo payokha iyenera kuchoka mukhokolo kapena khokolo liisiye mbewu kuti iyanikike pa dzuwa kuti ikhoze kukhwima. Zonse tikhoza kuziona moyimira china.

<sup>88</sup> Onani apa tsopano mmene ukufananira, mpingo wa mmasiku ano otsiriza ukufika pofanana ndi Mbewu yeni yenyiyo. Yang'anani momwe dinomineshoni ya Pentekosite imene yangoyambitsidwa m'masiku ano otsiriza - ndipo tiddazifotokoza bwino patsogolo pang'ono, Mukuona momwe zikufikira pooneka ngati Mbewu chimodzimodzi. Pamene khoko likanganuka pa mbewu ya tirugu - kapena tsamba la tirigu, ufa wa pa ngayaye utachoka pa siteji yachiwiriyi nufika pa siteji yachitatu imene ili - iye - makoko... Ndimomwe pamenepe ngati iwe uli wosayang'ana modziwa kusiyaniitsa, sungathe kudziwa kuti limenero ndi khoko chabe koma mkatimo ndimo muli mbewu yeniyeniyo. Pamene ngala yoyamba ituluka imaoneka ngati mbewu koma mukakhale pansi ndi kukatsegula, ndipo mukapeza kuti mulibemo mbewuyo konse. Ndi khoko chabe chotengera cha mbewu. Tsongo mbewu zimachokera m'menemo. Koma kumbukirani, palibenso china tikachoka pa siteji ya khokolo. Kumbukirani kuti panalibe Mbewu yina yolonjezedwa kupyolera mwa mzimayi kwinanso atatha Maria. Ndipo palibenso dinomineshoni yina yolonjezedwa itatha Pentekoste. Ndi Mkwatibwi wokwatulidwa amene akutuluka m'menemo, mbewu, Mawu atasandulikanso thupi.

<sup>89</sup> Zindikirani onani momwe zikuonekarna. Mateyu anati - Mateyu Woyer 24:24, anati kuti mizimu iwiri ya m'asiku otsiriza mzimu wa mpingo wa anthu a mpingo ndi Mzimu wa Mkwatibwi, wa anthu a Mkwatibwi, udzafanana mpakana kuti ukanzanyenga Osankhidwa omwe ngati kukanakhala kotheka. Ndiko kufanana kwake.

<sup>90</sup> Taonani momwe zinadzera mu phesi. Tsopano onani tifanizira ndi zina pano. Luther mu mbadwo wa mpingo pobweretsa mbewu ya Mkwatibwi inali yofanana mzimu wake ndi kadiso kambewu kamodzi kamene Luther anapatulika nako; kumene kunali kulungamitsa mwa chikhulupiliro. Iye anali kuyima mofanana ndi Hagara, thunthu lija. Taonani Wesile anali woyimira Sarah, Afiladelfia, mbadwo wa chikondi, umene unatulutsa ngayaye zimene... Mu mbadwo wa Wesile kunali mamishonare ambiri koposa mibadwo yonse imene tinali nayo. Mbadwo wopambana wa atumwi wa nthawi ya Joni Wesile...

<sup>91</sup> Koma Pentekosite inkayimirira Maria, siteji yotsiriza yake. Tsono, iye sanali mbewu ayi, komabe moyo wa Mbewu unali mwa iye. Koma unali usanakhwime. Ndayamba kukhala mu Uzimu kwambiri. Inali isanakhwimebe. Inali, koma inali isanakhwime. Ziri chimodzimodzinso ndi m'badwo wathu wa Chipentekoste umene tikukhalamowu. Kuyenera kubadwa - Mawu a Mulungu amene ali achiyanjano - osakhala mwa dinomineshoni, kunja kwa chikhazikitszo cha dinomineshoni imeneyo.

<sup>92</sup> Luther anapita kukafalitsa ndi mawu oyamba, "olungama adzakhala moyo mwa chikhulupiro." Wesile anali ndi mawu awiri; chiyeretso; achiwiri, ntchito yotsimikizika ya chisomo. Pentekosite inali ndi liwu lachitatu, kubwezeretsedwa kwa mphatso. Koma mbewu yathunthu inali nkudza. Onani momwe anapangira dinomineshoni pa liwu limodzi, ndi liwu lina, ndi liwu linanso. Koma payenera kukhala china chimene sicingatheke kukhala dinomineshoni. Ndicho uthunthu wa moyo umene uli m'menemowo uyenera kudzibalanso wokha mwa Mkwatibwi. Sipangakhalenso mibadwo yina ya mpingo ukatha uwu. Tiri pamapeto, abale ndi alongo. Tiri pamenepo; tafika. Mayamiko apite kwa Mulungu! Amen!

<sup>93</sup> Tsono tikuona zinthu izi kuti ndi zonna momwe zingakhalire. Komabe tikuonano kuti ngati iye pokhala ngayaye, kapena Wesile pokhala ngayaye, Pentekoste ndiye, pokhala makoko, imene ili siteji yotsatira kuti mbewu ibwereno . . .

<sup>94</sup> Koma m'bale, mlongo, phesi si mbewu ayi; ngakhale ngayaye si mbewu, ngakhalenso makoko ayi, ngakhale kuti nthawi ili yonse pamene zikukhwima zikumaoneka ngati mbewu. Phesi silimaoneka ngati mbewu. Ndi chiyani chimene chimadzano? Ngayaye, kotupa pang'ono. Kamaoneka - ngati mbewu ndithu kusiyana - kuposa momwe masamba amaonekera. Chimadza kenako ndi chiyani? Makoko. Amene amaphimba mbewu; mkatimo; ndi kulera kambewuko.

<sup>95</sup> Tsono yang'anani kumbuyo pa lonjezo lomwe Mulungu anapanga kwa Abrahamu la "Mbewu yako . . ." kulankhula mwauzimu. Aliyense wa ife amadziwa zimenezo. Iye anali kulankhula za Khristu, osati Isake. Kupyolera mu chikhulupiro chake cha Mbewu.

<sup>96</sup> Onani, woyamba anali mwa mzakadzi. Samaoneka nkomwe ngati lonjezolo. Mulungu sangabweze Mawu Ake kwa wina aliyense. Mulungu anafotokozeratu m'mene zidzachitire ndipo ndi momwemodi m'mene ziti zidzadzere. Koma Sarah pokhala woyima m'malo a mpingo, chitsanzo cha mpingo, una - iye anaona pamenepo, kuti Iye anati, "Chabwino ine ndikukhulupirira kuti ndizosamveka bwino pang'ono. Sindingangokhulupirira zimenezo konse, koteru inu mutenge Hagara, ndipo mumutenge iye ngati mkazi wanu." Mukuona

pamenepo? Phesilo silinali kuoneka ngati lonjezo konse ayi. Koma pamene Sarah anadza. Tsono zimenezo zinaoneka ngati zabwino kwambiri. Zinangooneka kwambiri ngati lonjezo leni lenilo pamenepo, komabe silinali lonjezo leni lenilo. Chifukwa Israeli mwa Isaki analephera nakana Mbewu yeniyenyo pamene inabwera (Aleluya!) Musaopsyedwe; musathawe. Sizikupwetekani zimenezo! - anakana Mbewu nkumupachika Iye, ndi kumukhomera Iye pa mtanda.

<sup>97</sup> Monga momwe Paulo anati apa kuti, "Kodi si -mbewu ya - ya mkazi wa mu ufulu kapena mzakadzi inapha mkazi wa mu ufulu? Ndi momwenso mbewu ya dinomineshoni ikuphera mbewu yeniyeni. Nthawi zonse zinayenera kutero. Sizidzalowera ufumu palimodzi Sizimaphatikizidwa pamodzi. Ndi malonjezo awiri osiyana kwambiri, nthawi ziwiri zosiyana, anthu awiri osiyana zedi. Mmodzi ndi Mkwatibwi ndipo winayo ndi mpingo. Palibe kufanana konse mwa iwo.

<sup>98</sup> Komabe iwo si mbewu imene yalonjezedwa kuti ibwera. Sanalinso Sarah, sanalinso - ndipo sanalinso Hagara sanali Sarah kapena - ngakhale Maria sanali Mbewu. Maria sanali Mbewuyo. Iye anali chongonyamulira Mbewu. Koma iye anasamalira nabereka kuchokera mu mimba yake monga momwe makoko anabala kuchokera mu mimba yake mbewu yeniyeni. Koma makoko si mbewuyo ayi. Amango... amangoya ndikira ku mbewu. Amafungatira mozungulira mbewuyo. Kuchokera ku phesi, moyo wayenderera mu phesilo. Ndipo pamene ukudzafika pa ufa wa pa ngayaye, pamenepo nkuti ukusonkhanitsidwira moyandikira. Koma pamene ukudza pa makokowo. Ndipo makoko ndi chongonyamuliramo. Ndipo ndi chimodzimodzi zomwe madinomineshoni athu akhala ali, chongonyamuliramo. Luther, Wesile, Apentekoste, ndipo tsopano ndi nthawi yoti mbewuyo imere.

<sup>99</sup> Onani, ingoonani...mkaziyu sanali Mbewuyo ayi; Maria sanali - anali makoko chabe, ngayaye, ndi phesi, zonyamuliramo za gawo la Mawu, osakhala Mawu onse. Luther anali ndi kulungamitsidwa. Wesile anali ndi kuyeretsedwa. Apentekoste anali ndi kubwezeretsa kwa mphatso. Koma pamene Mawu anabwera... Tsopano, iwo akanakhoza kuonetsa zija, kuti kulungamitsidwa kudzapulumutsa munthu. Kodi mukukhulupirira zimenezo? Zedi! Ndi zongonyamulira za Mawu, chimodzimodzi momwe ndimakhulupirira kuti phesi ndi gawo la tirigu. Ndi zoonadi! Koma ndi chongonyamulira si moyowo. Ndiye kenako kunadza kuyeretsedwa. Ndi angati amene amakhulupirira za kuyeretsedwa? Inu mumakhulupirira Baibulo muyenera kutero. Zedi! Komabe izo sindizo... Ndi zofananirapo ngati... Awo ndi mawu awiri ena. Komano kunadza Pentekoste, kubwezeretsa kwa mphatso. Kulankhula mmalirime, anakutcha chisoneyeo chodalirika kuti uli ndi Mzimu Woyer, kulankhula m'malirime. Anachitcha

chimenecho chisonyezo chodalirika, ndipo chinabala chiyani? Makoko. Koma anachisandutsa chipembezo... Koma pamene ungarde ndi kuwauza kuti "Atate ndi ine ndi M'modzi," ndi zinthu zinazi, ndiye makoko amakanganuka. Koma Mpingo wa Mkwatibwi weniweni udzabala Mawu a Mulungu onse mwa chidzalo Chake chonse pakati pa...?... pakuti Iye ali yemweyo dzulo, lero, ndi nthawi zosatha.

<sup>100</sup> Onani, m'mimba ya Maria ndimo munali Mbewu. Koma pamene Mbewuyo inaberekedwa Inati, "Ndabwera kudzachita cholinga cha Iye Amene anandituma Ine. Ine ndi Atate Anga ndi Mmodzi. Ngati sindichita ntchito Zake, musandikhulupilire." Imeneyo inali Mbewuyo. "Ndani wa inu angandiweruze Ine za kusakhulupirira? Zonse zomwe Baibulo linati ndidzazichita, ndazichita. Mulungu Wazitsimikiza izo kupylolera mwa Ine!" Natinso, "Ndani angandiuzeno Ine tsopano, mbewu..." Koma Mbewu mwa Maria, khoko, inali pafupifupi chenichenicho, koma sichinali. Inali ikadali mu mimba yake.

<sup>101</sup> Onani. Ndipo mu m'badwo wa Pentekoste, kupyola mu m'badwo wa Luther, kupyolanso mu m'badwo wa Wesile, zakhala zikuchitika chimodzimodzi popyola mu m'badwo uwu - wa Pentekoste... Tsuno onani, koma pakutsegulidwa - kwa Chosindikiza cha Chisanu ndi Chiwiri, Chivumbulutso 10, Chidzalo cha Mawu chibadwa ndi kusandulika thupi kachiwirinso ndi kutsimikiziridwa ndi Mzimu wa Mulungu mu mphamvu yonse, monga kunali mmene Inali pansi pano, kusandulika thupi mwa njira yomweyo, kumachita zinthu zomwezo zimene Inachita pomwe Inali padzikolo pansi. Amen. Aheberi 13:8 Anati Yesu ndi yemweyo dzulo lero ndi kunthawi zosatha. Pa Luka woyeru 17:30 Yesu anati, "Mmasiku otsiriza, monganso kunaliri m'masiku a Sodomu, pamene Mwana wa munhu adzakhala akudziulula yekha kachiwiri, zidzakhalonso chimodzimodzi."

<sup>102</sup> Dziko lafika pa khalidwe la Sodomu, ndipo mpingo wapita ku khalidwe la Sodomunso, monga Loti ndi mkazi wake. Ndipo ine ndikuti pali Mpingo wosankhidwa, penapake m'dzikomu umene wapatulika ku zinthu zimenezo. Ndipo kusandulika thupi kwa Mulungu kwawakopa chidwi chawo. Tiridi m'masiku otsiriza.

<sup>103</sup> Makoko apereka mphamvu zawo kwa mbewu, mpaka yatulukamo. Analu makoko abwino ndithu koma nthawi yayo yotumikira yatha.

<sup>104</sup> Penyani, ndi Mkwatibwi mwa Mawu wa Mkwati mwa Mawu. Mbewu mwa thupi ya Abrahamu, Isake ndi Yakobo ndi - kapena mbewu mwa thupi kani, ya Ishmaeli, mbewu mwa thupi ya Isake, ndi zina zotero, zinayenera kulowa mu nthaka pofuna kuti - zibereke inayi, zibereke Yesu. Ndi momwe achitira ena onsewa. Mbewu ziyanera kuwuma - ndipo ndikutanthauza kuti makoko

ayenera kuwuma ndi ngayaye zomwe ziyenera kuwuma ndipo chirichonse chimafa kuti mbewu ipezekenko.

<sup>105</sup> Umo ndi momwe zimakhalira mu mbadwo uliwonse, Madinomineshoni ndi omwe amagwira ntchito yongonyamula. Gawo lina la iwo linali Mawu, pakuti akhala atabisika kwa anzeru zosinthira zinthu kapena a - zinali zinsinsi kwa Iwo mpaka mbadwo wa mphungu utatulukira. Baibulo linatero. Inde, bwana! chifukwa tinalonjezedwa zimenezo pa Malaki 4.

<sup>106</sup> Ndi chomwe tiri kwenikweni. Iye wabisika kwa maso a anthu anzeru ndi otchuka. Ndipo monga momwe tangophunzira za Bukhu la Chivumbulutso, tinapeza kuti aliyense - atumiki atatu onse aja, kapena zamoyo zimene zinatuluka, chimodzi chinangofanana ndi Luther bwinobwino. Chirichonse chimaperekera mbewu kwa chinzake bwinobwino, monga momwe kunali ng'ombe ndi zamoyo zosiyana zonse za mu Baibulo zija... Zinapitirira kuchokera pa kulungamitsidwa kuyeretsedwa, ngakhale mpaka kwa Apentekoste; koma chachinayi chinali mphungu. Ndi momwemodi, ndipo kupiyolera mu m'badwo umenewo, Mulungu anayidzutsa. Ndipo inayenera kudza molondola mu m'badwo umenewo. Inde bwana, lonjezo la mphungu likukwanirtsidwa - mwa Malaki 4.

<sup>107</sup> Yesu sanali wa Maria ayi, koma anadza kupiyolera mwa Maria, monga moyo umapyola mu makoko.

<sup>108</sup> Tsopano, abale ndi alongo okoma a chikatolika amene muli pano usiku uno mwina mukuganiza kuti Maria anali amayi a Mulungu, monga momwe mumati anali. Iye akanakhala bwanji amayi ake a Mulungu, pamene Mulungu analibe chiyambi kapena mapeto? Mwaona? Nanga Abambo ake a Mulunguyo ndi ndani ngati Maria anali amayi ake? Mukuona? Iye ndiye Mlengi wake wa mkazi ameneyu. Osati mkaziyu ndiye anali mlengi wa Mulungu ayi. Iye anadzilenga Yekha m'mimba mwa Maria, osati kulenga kwa mkaziyu. Kunali... Iye anadzilenga Yekha. Iye sanali wa mkaziyo ayi, koma kuti mkaziyo anali wa Iye. Zimenezo ndi zoona! Baibulo limatiphunzitsa kuti zinthu zonse zinalengedwa ndi Iye. Ndipo palibe china chirichonse chomwe chinalengedwa, pambali pa zomwe Iye analenga. Kotero zikanatheka bwanji...?... Akanakhala bwanjinso ndi amayi pamene Iye Mwini anali Mulungu Amene?

<sup>109</sup> Tsongo, tikuona pano vumbulutso lenileni, choyimira cheni cheni. Pali akazi atatu amene anali zotengela za mbewu ya thupi mpaka pamene akhwima nkufika pa Yesu. Zingoonekeratu momwe Ishimaeliakanakhala mbewuyo chifukwa anabadwa kwenikweni - mwa zomwe tingaganizire lero lino - mwa chiwerewere, chifukwa iye anabadwa mwana wa mzakazi. Kenaka anadza wina wofanana pang'ono ndi Iye, monga Yesu, amene anabadwa kwa Isake, Komabe sizinali izo, chifukwa, anabadwa mwa kukhumbirana kwa Abrahamu ndi Sarah. Koma

kenako kunadza Maria, mwa kubereka kwa namwali anabala Yesu Khristu (izo nzoona!) Mulungu, Mawu anasandulika thupi.

<sup>110</sup> Tsopano yang'anani panali azimayi atatu. Pali akazi atatu amene akufaniziridwa pano, mipingo (akazi nthawi zonse amayimira mipingo) zikutanthauza mibadwo itatu ya ma dinomineshoni, zotengera, zomwenso ziyenera kufa ndi kuuma, momwe makoko ndi zina zotero zimachitira popereka malo kwa mbewu. Mbewu siyingache - tingoti, siyingache mpaka pamene, khoko, phesi nd masamba zonse zitauma. Ndi zonna. Imayamwa moyo wonse kuchotsa mwa izo. Amen! Zonse zomwe zinalipo ndi zoonjezera sizingachitenso kanthu.

<sup>111</sup> Tsopano, ino ndi nthawi ya mbewu, kapena nthawi ya Mkwatibwi. Makoko afa. Makoko awumiratu. Nthawi ya Mawu aunamwali osati zokhuzidwa... Ndi namwali. Kumbukirani nthawi ya Mawu osakhudzidwa. Mukawaika m'manja a dinomineshoni, zedi sakhalanso namwali ayi. Akhala, okhuzidwa ndi anthu panthawi yomwe muti muziwalandira. Koma Mpingo wa Mulungu suli wokhuzidwa ndi dinomoneshoni (aleluyah!); ndi Mawu a Mulungu obadwa mwa namwali akusandulika thupi, Yesu Khristu, Yemweyo dzulo lero ndi kunthawi zosatha. (Alefuyah!) Momwe - zodabwitsa kwambiri! Ndi makonda zimenezi. Ndimazikhulupilira. Ndikudziwa kuti ndi choonadi. Sizidzakhudzidwa. Sipadzakhalonso kukhuza izi mwa umunthu wa chidinomineshoni kuti padabwe Mkwatibwi mwa namwali. Ayi bwana! Iye ndi - iye ndi wolamulidwa ndi Mulungu kuti atuluke m'zoterozo "Musakhuze zodetsedwa zawozo... kusandulika miimba."

<sup>112</sup> Zimangondikumbutsa. Pamene ndinali kuchokera ku Phoenix tsiku lina, pobwera ku Tucson kuchokera ku msonkhano, Mzimu wa Mulungu unandikopa chidwa changa ku chinachake (Pamene mkazi wanga ndi ine timanka tikulankhula. Ndipo ana anali akugona kumbuyo kwa galimoto, nthawi itatha), anandonetsa chiombankhangha. Ndipo ndinachiyang'anitsitsa chiombankhangacho pang'ono ndi kuchiphunzira icho. Icho ndi choyimira mpingo lero.

<sup>113</sup> Tsongo chiombankhangachi, momwe timachidziwira tonse, chinataya maonekedwe a chilengedwe chake cha pachiyambi. Izo ndi zonna kwathunthu. Poyamba icho chinali chofanana ndi mphungu, mbale wake wamkulu wa chiombankhangha. Koma tsopano icho sichimalukanso m'mwamba kukasaka manna ake a m'mwamba, koma chakhala cha lobodo. Sichimalukanso munlengalenga; chimangodumpha pansi monga khwangwala, kumangotera pa mtengo wa telefoni kumangodumphadumpha akusaka mbira zakufa. Chiombankhangha sichinapangidwe kuti chizichita zoterozo. Ayi, chinapangidwa mofanana ndi mphungu. Tsopano, izo zikungofanana ndi mpingo lero. Chinapangidwa mofanana ndi mphungu. Chiyenera kutenga malo ake m'mwambawamba... Koma mmalo

mwake, changolobodoka. Siukumalukiranso mmalo osadziwika mlengalenga. Ayi bwana! Chikungodalira njira zake zamakono zomangotengera, za maphunziro, sukulu za zipembezo za madinomineshoni a anthu, kufunafuna milu ya mbira zakufa zoyamba kuvunda zimene ziri ndi zinazake zimenezo ndi zoona!)...kudumphadumptha pansi. Zimenezo ndi zoona! Chiombankhanga. Onani kuti ndi zomwe zimatidziwitsa. Mphungu siinasinthe mpang'ono pomwe. Iye amangokhalabe mphungu.

<sup>114</sup> Iye saphululukanso mpaka munlengalenga, chiombankhanga sichithanso kugwira manna ake atsopano, koma amangodalira zimene angazipeze zitafa kale. Chiombankhanga sichitha...?...pa mtengo wa mpanda kuti atere pansi...Koma tamuona chiombankhanga wokalamba lero. Pitani cha mumsewu, mukaona pa mawaya a telefoni patangodzaza ziombankhanga, kuyang'ana ngati angapeze chinachake - chinachake chitaphedwa, ngati angapeze chinachake - chinachake chitaphedwa, china chovunda. Wafika pakuti alibenso mapiko oti angathe kuuluka nawo mokwanira. Wango...Choyamba mukudziwa iye adzakhala ali pansi kwathunthu, kumangoyenda chifukwa wafewa nkhongono. Sagwirtsanso ntchito mphamu zake zimene Mulungu anamupatsa.

<sup>115</sup> Kudziwika kwake kwapadelia kumene ankauluka nako mlengalenga namapenya pansi ali m'mwamba. Koma tsopano, amangogwera pansi ndipo sangayang'ane nkonse m'mwamba. Maganizo ake onse wangowayika pa mbira zakufa, kufunafuna chomwe angachipeze pamsewu, kanyimbi wina, posamu, kapena china chimene wina anachigunda. Iye si mphungu, koma ali china chongofanana ndi iyo. Monga mpingo wodalira kupeza chakudya chake mu maphunziro ndi zina zotero, phwando la zinthu zimene zinafa zaka zapitazo kupvolera mwa Luther, ndi Wesile ndi Achipentekoste ndipo anapita...?... Akungoyang'ana m'mbuyo kuti akapeze ziphunzitso zimene munthu wina anapanga, m'malo momauluka m'mwamba mwamba mwa Mawu kumene zinthu zonse ndizotheka kwa iwo amene akhulupilira.

<sup>116</sup> Watengera khalidwe la khwangwala. Zakufazo zimene miimba inasiya, dziko lapansi. Maphunziro ndi zina zotero zimene dziko lasiya, osati zoyenera Mpingo. Iye wangofeweratu nkhongono kwakuti sangathe...salinso wopilira. Sangakwerenso m'mwambbamwamba moopsyia kumene zonse ndi zotheka kwa iwo amene akhulupira. Amangoikhala namati, "Chabwino, Dokotala uje ndi uje ananena chinachake...Dinomineshoni yanga siyimakhulupirira chotero." O, inu achiombankhanga osokonezekwa, kuopa kulowa m'malonjezo a Mulungu.

<sup>117</sup> Inu mukuti, “Chabwino, masiku a zozizwitsa anatha.” Inu mwafewa nkhongono. Mukuwopa kutambasula mapiko anu ndi kuuluka kunka komwe m’mwamba, ndipo kani mwafika polobodoka chotere kuti simungathe kupita ndi ku misonkhano ya mapemphero komwe? Kodi mwafika pamalo okuti mukuopa kukhala maminiti khumi muli paguwa? Kumangodumpha ngati khwangwala kumadya mitembo ya zinyama pansi. Inde, bwana!

<sup>118</sup> Wafeweratu kwakuti sangaulukirenso m’mwamba moopsya. Angodumpha ngati khwangwala, ndi kumadya za khwangwala (ndi zomwe ziritu! Izo ndi zoona!), mpaka wafika pooneka ngati khwangwala. Akuchita ngati khwangwala, salinso chiombankhanga mosiyana ndi ena. Wangokhala ngati khwangwala kwambiri osatinso chiombankhanga. Chiombankhanga chimayenera kumauluka, osati kutera pa mitengo ya telefoni ndi kumayang’ana mbira zakufa, ndi kunyamuka pamenepo ndi kumakadumpha mu msewu monga khwangwala. Mwaona?

<sup>119</sup> Ndi momwenso mipingo ikuchitira lero lino. “Pali phindu lanji loti ndizikauluka kumeneko pamene ndikumapeza mbira zakufa kuno?” Koma ndi zakufatu zimenezo, ndi zovunda; ndi za matenda, chiphunzitso cha Luther, Wesile, ndi Achipentekoste. Mukudya ngati khwangwala chifukwa chiyani? Kunali manna akumwamba atsopano omwe ankagwa usiku uli wonse kwa ana a Israeli pamene anali paulendo. Zotsalira zonse zinali kuvunda. Kumidzi kwathu tinkati “ziri ndi anamichira mkatи mwake.” Achuluka anamichira mu zomwe ife takomana nazo. Kudalira kwathu pa chipembezo pa chomwe wina wake ananena, ndipo “Lonjezo ili ndi la mbadwo wina.”

<sup>120</sup> Mwamuna wina anadza kwa ine osati kalenso ayi, mlaliki wa Baptist, ku nyumba kwanga kuja, ndipo anati, “Iwe ukudziwa” anati, “Ine ndikufuna ndikukonze pa china chake.”

Ine ndinati, “Chiyanicho?”

Nati, “Iwe ukumaphunzitsa chiphunzitso cha atumwi mu m’badwo uno,” nati “mbadwo wa atumwi unatha.”

<sup>121</sup> Ine ndinati, “Liti? Ine ndikuuya iwe pomwe unayambira, ndipo iwe undiuze ine pomwe unathera.” Ine ndinati, “Iwe kodи umakhulupirira Mawu?” Iye anati, “Ndimakhulupiriradi.”

<sup>122</sup> Ine ndinati, “Chabwino. Tsopano, kodi mukukhulupirira kuti ndi tsiku la Pentekoste pamene m’badwo wa atumwi unayambira?”

Iye anati, “Ndikukhulupirira.”

<sup>123</sup> Ine ndinati, “Ndiyetu wolankhula, mtumwi Petro, ananena mawu awa... Ndipo kumbukira, Yesu anati, ‘Aliyense amene ati adzachotse liwu limodzi umu kapena kuwonjezera limodzi kwa awa, gawo lake lidzachotsedwa mu Bukhu la Moyo.’ Ameneyo ndi mlaliki kapena wina amene dzina lake linalembedwa mu

Bukhu.” Ine ndinati, “Petro anati, ‘Lapani aliyense wa inu ndi kubatizidwa mu Dzina la Yesu Khristu kuloza ku chikhululukiro cha machimo anu; ndipo mudzalandira mphatso ya Mzimu Woyeria; pakuti lonjezo liri kwa inu, ndi kwa ana anu, ndi kwa onse amene ali kutali, onse amene Ambuye Mulungu adzawayitana.’ Ndiyeno zinatha liti? Zakhala ziripobe.” Ndi gulu la ziombankhangha zimene zasandulika akhwangwala ndikumangodumpadumpa pozungulira mitembo yina ya zinyama yomwe a mbadwo wina anawaphera iwo (ndi zolondola!) osati manna atsopano ochokera kumwamba ayinso.

<sup>124</sup> Sakuwafuna ayi. Sangathe—sangathe kukhala ndi msonkhano wa mapemphero. Si mphungu kuyamba ndi kuyamba, olobodoka, osalimba amangodumpadumpa. Ndi momwe aliri madinomineshoni athu amakono odalira maphunziro a kapangidwe ka ziganizo za chipembezo pofotokoza zinthuzi mwa njira yawo. Ndi zomwe amazirandira zimenezo. Sangatengenzo Mawu amene amati Yesu Khristu ali yemweyo dzulo, lero ndi nthawi zosatha. Sangatenge Malaki 4. Ndipo sangatenge malonjezo ena onsewa okhuza tsiku lino, namati momwe m’badwo wa mpingo - momwe mneneri namati, “Kudzakhala Kuwala nthawi ya madzulo.” Iwo snagatenge izi; akungofuna kumangodumpa pa zimene a bungwe la Chipentekoste anapha zaka zana zapitazo, kumadya manna ovunda pang’ono. Ndi zoona zimenezo! Zosakhala bwino!

<sup>125</sup> Taonani, mpingo wangokhala mwa thupi zedi, ukungodzidyetsa zivundi zachidziko, zinthu zakufa za dziko, mongofanana ndi momwe khwangwala amachitira. Ndale za mpingo, osalora Mzimu Woyeria kuti utumize munthu ku mpingowo; iwo ali ndi ndale zawo zomwe zimaona ngati dinomineshoni ingalore kumulandira munthuyo kapena ayi. Ndi zolondala. Iwo ali ngati dziko lapansi. Amavala ngati dziko. Amayang’ana ngati dziko. Amachita ngati dziko. Iwo ndi akhwangwala chimodzimodzi ndidziko. Ndi aulesi, olobodoka, ovomerezera zosayenera . . . Ndi zomwe ziripo kwa iwo. Kodi imu munamuona mphungu akuvomerezera zosayenera? Ayi, bwana! Palibe zonyengererwa mwa iye. Ndi momwenso Mkhristu weni weni amachitira. Iye siwolobodoka ayi. Amasaka mpakanana atachipeza. Amen. Inde, bwana! Iye mpakanana atapeza chakudya chake. Iye amafuna manna atsopano. Adzafika pamene po nakumba mpaka atachipeza Amauluka chokwera m’mwamba. Ngati sichiri m’chigwa chino, iye amakweranso m’mwamba pang’ono. Ukapita m’mwamba kwambiri, umaonanso kwambiri. Kotero ndi nthawi ya mphungu za tsiku lino kuti ziyambe kuuluka m’mwamba zedi, kukumba mu malonjezo a Mulungu, osati kumakhala moyo ndi chakudya cha akhwangwala chimene chinaphedwa zaka zapitazo. Tulukanimo m’menemo.

<sup>126</sup> Ndale zovotera anthu kuti alowe kapena achoke, kunena izi, izo kapena zina. Ndipo Mzimu Woyeria alibenso njira ya

ufulu mu mpingo m'pang'ono pomwe. Kulibenso misonkhano ya mapemphero kopandanso kuvutikira pamodzi ndi Mulungu pofuna kukwaniritsa Mawu Ake. Zokhulupirira kuti Mawu ali omwewo dzulo, lero ndi nthawi zonse zinatha. Angodumpha mwa ukhwangwala pansi, ali ndi dinomineshoni, kulembetsa maina awo mu bukhu, ndi a ulesi ndi olobodoka, nangokhala pamenepe kumangokhazula nyama yina yakufa. Ndiye nkumakhala akufuna kutchedwabe chiombankhangha yemwe ali m'bale wofanana ndi mphungu, mneneri amene anadza ndi Mawu owona nasandulika thupi la Mawuwo.

<sup>127</sup> Kumangodalira ziphunzitso za zipembedzo zoola mbali imodzi. Amazitenga kuti zimenezi? Mu dongosolo la sandesukulu lopangidwa ndi munthu wina wophunzitsa kumuphera iye ku seminare ina yake, kumamuza iye kuti, "Masiku a zoziswitsa anatha; palibe zoti anthu azibatizidwa ndi Mzimu Woyer, zonsezo ndi zopanda pake." Kodi mukufuna kundiuzi ine kuti mphungu ikhoza kudya zimenezo? Siingachite zimenezo. Ayi, bwana! Ngakhale Mkhristu sangadye mtembo wa nyama ya ziphunzitso za kale ndi zinthu. Iwo amafuna Mawu a Mulungu atsopano, lonjezo la ora lino.

<sup>128</sup> Mulungu analonjeza mbira mmasiku a Luther. Analonjeza zinthu zina m'masiku a ena. Koma tsopano watilonjeza ife chakudya chokwanira, chakudya cha magulu asanu ndi ndi awiri, pakuti Zisindikizo Zisanu ndi Ziwiri zonse zatsegulidwa ndipo chirichonse chakonzekera Mawu a Mulungu, kwa iwo amene angalandire...

<sup>129</sup> Ziombankhangha kumadumpha ngati akhwangwala. Mayine! Tangoganizirani, chitsutso chake chimene - momwe ora liriri. Monga momwe chiombankhangha chataya chizindikiritso chake monga chiombankhangha, ndi momwenso mpingo watayira chizindikiritso monga m'bale wapafupi wa mphungu, aneneri a Mulungu. Poyamba anali chotengera cha Mawu owona, kulungamitsidwa, kenaka chinasanduka chotengera cha kuyeretsedwa, kenaka kusanduka chotengera cha ubatizo wa Mzimu Woyer, kubwezeretsa kwa mphatso. Koma tsono pamene zipitilirabe kumangobwerera m'mbuyo kuyesa kukadya zina zake, manna a mtsiku lina, ndi owola. Si abwino ayi. Mphungu yeniyeni ya tsiku lino ikudziwa kuti zimenezo zinali zabwino ndithu koma tiri ndi zimenezo kuonkhetsanso zina mpakana kuti Yesu Khristu akusandulika thupi mwa tuyezo wathunthu wa mphamvu zake monga analonjezera kuti zidzatero mu tsiku lotsirizali.

<sup>130</sup> Iye tsopano ndi khoko louma. Latha. Mzimu wa Mulungu unapyola mwa iye. Ndi zonna. Ndipo sadzalowa ufumu pamodzi ndi mbewu yotsimikizidwira ya Mawu. Iye sadzakhala nawo. Iye sadzalowa mu mkwatulo. Iye adzakhala membala wa mpingo akhoza kudzapezeka pa kuukitsidwa kwachiwiri, kudzaweruzidwa molingana ndi chomwe anamva. Ngati muli

pano usiku uno ndipo ndinu membala wa mpingo chabe, kodi chiweruzo chanu chidzakhala chotani pamene tonsefe tidzakayima pamenepo ndi kuchitira umboni kuti munamvadi Choonadi? Mukuona?

Iye samaulukiranso m'mwamba zedi, ku zosadziwidwa, mpaka ku zosadziwidwa, mpaka ku zauzimu kumene kuli mphamu, ndi kuya kwa m'malonjezo a mu Mawu amuyaya a Mulungu amene achititsa zinthu zonse kukhala zotheka kwa iwo amene akhulupirira. Iye sangakhulupirire zimenezo. Iye amati... Iye amangogwera pa mawaya a telefoni namati, "Gulu la chipembezo langa limati mbira ndi zabwino." Ngakhale ziri ndi mphutsi mkaati mwake, komabe ndi zabwino. Mukuona? Iye amadalira zimenezo.

<sup>131</sup> Pentekoste ili ngati mlongo wake wa dinomineshoni ya khwangwala amene akukhala mu bungwe lalikulu la opanda Mulungu (zedi!), kumvera atsogoleri ake a ndale za dziko, kumutsogolera iye ku chakudya cha akhwangwala cha mbira zakufa kapena china chake chimene chinadutsapo zaka makumi asanu zapitazo. Umu ndi momwe uliri mpingo wa chipentekoste. Mayi, ine!

<sup>132</sup> Monga momwe Sarah anayesera kubweretsa lonjezo la zauzimu ndi, pakusankha Hagara, ndi momwenso mpingo ukuyesera kudzetsa chitsitsimutso, alaliki athu otchuka, ku maiko onse lero, "Chitsitsimutso, mu nthawi yathu, chitsitsimutso mu nthawi yathu. Inu nonse a Methodist, a Baptist, a Pentekoste, nonse idzani pamodzi." Mungakhale bwanji ndi chitsitsimutso cha manna atsopano pa a khwangwala okalamba ukufa? Mungakhale nacho motani? Chitsitsimutso mu nthawi yathu. Chitsitsimutso chikhala chaching'ono, mwakuti iwo sadzadziwa kuti chinachitika konse.

<sup>133</sup> Apentekoste anati, "O, Padzakhala chinthu chachikulu chomwe chidzachitike." Chikuchitikal ndipo iwo sakudziwa. Ndi choncho. Mukuona? Inde bwana! Pakuti kumene kwafa nyama ndi kumene mphungu zidzasonkhana....?... Ndi zimene linanena. Kodi nyama yakufa kumene ndi chiyani? Mawu. Iye ndi Mawu, nyama yakufa, Khristu, Khristu mwa inu, yemweyo dzulo, lero ndi nthawi zonse.

<sup>134</sup> Ndi zonna ndithu kuti Sarah anayesa kuchititsa malonjezo kuti akwaniritsidwe (mukuona?) mopambana monga mpingo lero lino, chitsitsimutso chachikulu munthawi yathu ndi chiyani? Posokoneza lonjezo. Kodi muzichita bwanji pamene Mulungu sanadalitse mabungwe. Sanagwiritsepo ntchito mabungwe ayi. Pamene uthenga una fala, iwo naupanga bungwe, una fera pomwepo. Ndikhoza kutsutsana ndi wodziwa mbiri yakale aliyense kuti andionetse ine pamene unadzukanso. Una fera pomwepo ndi kukhala pomwepo. Mulungu anangotulukamo m'chotengera chimenecho, ndi kulowa mu chinanso, kutuluka

kuchokera ma Lutheran kupita mu Methodist, kutuluka mu Methodist kupita mu Chipentekoste.

<sup>135</sup> Tsono, watulukamonso mu Chipentekoste nalowe mu Mbewu, chifukwa payenera kukhala Mbewu. Simungagonjetse chilengedwe. Palibe china chili chonse choti chichitike koma kukhala Mbewu. Kotero Mbewuyo idzadzibereka yokha, Iye ali yemweyo dzulo, lero ndi nthawi zonse, Lawi la Moto lomwe lija, kuonetsa zizindikiro zomwezo, mphamu yomweyo, Mulungu yemweyo, zozizwitsa zomwezo, zinthu zomwezo. Kutsimikizira Mawu ndi Baibulo mwa ndendende, Iye ali yemweyo dzulo lero ndi nthawi zonse. Iye akutsogolera usiku uno. Mulungu tithandizeni ife kuti tizione ndi kuzikhulupirira zimenezi. Ndithu!

<sup>136</sup> Onani Sarah mpingo, kumusankha Hagara? Sizinagwire ntchito, sichoncho? Ayi! Gulu lake lochita kulisankha silingagwire ntchito konse lero. Madokotala, ndi ma P.H.D., ndi L.L.D. sizikuchita kanthu. Zonyamulira zonse zalephera. Luther analephera. Hagara anachita. Anachita chiyani Hagara? Hagara anapereka mwana wake ku chifuwa cha mkazi wina (si choncho?) kuti amulerere mwana wake. Hagara anatero, anapereka mwana wake, mwana wake yekha ku chifukwa cha mkazi wina, osati mayi wake, kuti amulere. Ndi zofanana ndi zomwe Luther anachita, pamene anapereka mwana wake kulungamitsidwa kwa dinomineshonu kuti azikachita naye mopusa (ndi momwemo!), kuti akamulere.

<sup>137</sup> Wesile analephera mwa njira yofanana ndi Sarah, kukaikira kubadwa kwa uzimu mwa ubatizo wa Mzimu Woyer, monga Sarah anachitira pa mtengo wa mgwalangwa uja. Pamene Wesile anauzidwa koyamba za uzimu... Pamene m'badwo wa Chipentekoste unadza Wesile nauzidwa koyamba za kulankhula m'malirime, zonzezi, anaziseka ndi kuzinyoza. Inu nonse a Mpingo wa Khristu inuyo (odzitcha) - Inu Abaptist, ndi Apresibeteria aliyense wa inu mumatembenuza mphuno zanu m'mwamba pa izo nimuchokapo. Ndipo zoona! Mukanachita chiyani, a Wesile? Munagulitsa mwana wanu ku bungwe, ndipo zinafa ndi kuonongeka. Ndi zoona zedi.

<sup>138</sup> Koma Mawu, Mawu owona anapitirirabe. Sanakhale mu bungwemo. Anapitirirabe mpaka mu Pentekoste natenga zoonjezera pa izi. Analu mwana wokhwima monga mbewu imene igwera m'mimba. Ndipo patapita nthawi inayamba ndi fupa la nsana kenaka anali ndi mapapu, nadzakhala ndi mutu ndi miyendo, ndipo patapita kanthawi amafika pa malo oti amadzabadwa. Ndi choncho! Chotero ndi momwe mpingo wakhwimira, njira yofanana.

<sup>139</sup> Wesile anakayikira mofanana kumene ndi momwe Sarah anachitira pa mtengo. Iye anati... Pamene Mngelo wa Ambuye, Munthu wovala ngati Mngelo... Mulungu, anali Iye Mwini,

Elohim; atavala monga munthu amene anayima pamene po ndifumbi pazovala Zake ndipo anati adzatero, napereka lonjezo, nkuti Sarah ali wa zaka 90 ndi Abrahamu wa zaka 100. Ndipo Sarah anaseka cha mumtima, nati, "zingachitike motani pamene Abrahamu ndi ine sitinakhale, tingoti sitinachite monga anthu a aang'ono msinkhu - chiyanjano cha m'banja - mwina kwa zaka 20." Sarah anali pafupi zaka 100. Nati, "Ine, kukasangalasana ndi mbuye wanga, ine wokalamba ndi iyo wokalamba? Ndipo msempha wake wa moyo unafa, ndipo ine mimba yanga inauma. Mawere anga ana fota kale; mitsempha ya mkaka inafa. Ndingakhale naye chotani?"

<sup>140</sup> Mulungu anati, "Ndalonjeza zimenezo ndi Ine. Abadwa basi zivute zitani."

<sup>141</sup> Ndi immenenso anachitira Wesile. "Tingawalore bwanji iwo kulankhula malilime ndi machiritso auzimu, ndi zinanso. Si za ife mu tsiku lino."

<sup>142</sup> Mulungu anati, "Ndinalonjeza m'masiku otsiriza kuti Ndiddzatsanulira Mzimu Wanga pa matupi onse." Analonjeza kutero ndipo anapitilirabe nachichitabe. Ndipo mpingo wa Awesile ndi a - abale ake onse mwa ungayaye Abaptist, Apresibateria ndi Mpingo wa Khristu, ndi Anazarene, Pilgrim Holiness, ndi United Brethren, ndi ena onse amene ana fera limodzi nawo, ndipo mpingo unapitirirabe. Tsopano, kodi Pentekoste inachita chiyani? Anapanga bungwe ngati makoko. Anachita chinthu chofanana. Anapanga bungwe lawo pamodzi, nadzikhazikitsa ngati makoko. Ndi zoonia!

<sup>143</sup> Pentekoste inali Maria. Phwando la Chipentekoste, yang'anani zomwe Maria anachita. Kodi Maria analakwitsano chiyani nanga? Pa phwando la Chipentekoste nthawi ina anakumana ndi anthu otchuka, ansembe pamene Mwana wake... Sanamupeza Iye kulikonse. Ndipo anayenda ulendo wobwerera masiku atatu. Analu atamusiya Iye monga mpingo wamakono lero, kokwanira mafaifi atatu, kapena 25 mpingo wamusiya - pafupifupi zaka 50 zapitazo kapena 75.

<sup>144</sup> Anamusiya Iye pa phwando la Pentekoste. Maria anabwerera ndi Yosefe masiku atatu akumufunafuna Iye. Analu ku mufunafuna Iye, osamupeza. Kodi anadzapeza chiyani? Anakamupeza Iye mu kachisi akukambirana Mawu a Mulungu ndi ansembe. Ndipo pamaso pa ansembe omwe, otchukawo, Maria anagwetsa zotchinga. Anachita kwenikweni chimene sanayenera kuchichita. Kumutcha Maria Mulungu - mayi wake wa Mulungu? Mayi ayenera kukhala ndi nzeru koposa mwana wake. Ndipo iye anati, "Abambo ako ndi ine takhala tikukufuna Iwe ndi misozi tsiku lathunthu ndi usiku; Abambo ako ndi ine..." Kudzinenera okha kuti kubadwa kwake sikunali kwauzimu, nkumati Yosefe anali abambo ake a Yesu. Maria apa anakana kubadwa kwa uzimu. Pentekoste inatenga kulankhula

m'malilime. Anakana kubadwa kwa Mawu. Ndizo zomwe anachitadi. Akhoza kungotenga mwakuti, koma osati zonse ayi. Anakana kubadwa kwa Mawu monga Maria anachitira.

<sup>145</sup> Koma yang'anirani, sipadzakhalanso bungwe lina lirilonse zikatha izi. Yang'anirani! Mawu amene - komatu apa nkuti ali ndi zaka khumi ndi ziwiri zokha mwakubadwa, kanthu kakang'ono kongochokera kumene mu makoko - Iye anati, "Kodi siukudziwa kuti ndiyenera kukhala pa ntchito ya Atate Anga?" Mawu anakonza mpingo pomwepo.

<sup>146</sup> "Kodi zonsezi mukuchitiranji? Mukudziwa kuti simungachite zimenezi. Tikutseka makomo athu. Sitikulolani kuti mulowe."

<sup>147</sup> "Nanga kodi inu simukuziwa kuti ndiyenera kukhala pa ntchito ya Atate Anga?" Ndithu, ndithu, kusangalatsidwa mwa uzimu kwenikweni.

<sup>148</sup> Koma iyeyu anali atangomutchha Iye mwana wa Yosefe, munthu chabe, kapena zomwe Pentekoste inachita, kungomutchha Iye m'modzi wa atatuwo (Uuu, ndikudziwa kuti zikupweteka zimenezo!) - m'modzi wa atatuwo, koma pamene Iye ali onse atatuwo mwa m'modzi. Koma Achipentekoste, "O, inde, Iye ndi Mwana wa Atate, ndiwo Mzimu Woyer..." O, mai! Koma Mawu owona enieni akulankhula kuti, "Iwo sali atatu ayi; ndi m'modzi wa onsewo." Inu simukudziwa Mawu a Mulungu. Musamupange kukhala atatu, koma m'modzi.

<sup>149</sup> Tazindikirani, sipadzakhalanso zotengera zina amayi a mipingi, madinomineshoni, akatha makokowa, chifukwa tikachoka pa makoko palibenso...Palibenso chotsalira pamenepo, koma mbewu yokha. Sichoncho? Payenera kukhala mbewu. Iyenera kukhala yofanana ndi iyo imene inabzalidwa, Yesu Khristu ali yemwego dzulo, lero ndi nthawi zonse.

<sup>150</sup> Mzimu adza pa Mkwatibwi kudzachita zinthu zofanana ndi zomwe Iye anachita. Mukuona, ndi kuonekanso kwa mbewu.

<sup>151</sup> Mawu komabe nkuti ali aaang'ono, anadzilankhulira okha! "Kodi simudziwa kuti Ine ndiyenera kukhala pa ntchito ya Atate Anga?"

<sup>152</sup> Pamenepe ndi pomwe pali chinsinsi cha Uthenga tsopano. Ntchito ya Atate, yeni yeniyodi. Kodi ntchito ya Atate ndi chiyani? Kodi mungaganizire kuti ntchito ya Atate inali chiyani kwa Iye? Kukwaniritsa chimene Yesaya ananenanso kuti, "opunduka adzadumphya ngati mbawala," ndi zinthu zonsezi zimene zikanadzachitika, monga momwe Mose anati, "Ambuye Mulungu wanu adzakudzutsirani mneneri pakati panu wonga ine." Inali ntchito ya Atate kukwaniritsa Mawu amenewo. Chabwino, ngati zimenezo zinadza kupyolera mu mapesi a akazi aja mwa thupi, zingachite bwanji mu mapesi a akazi a mipingi mwauzimu? Mipingi imatanthauza akazi - akazi amatanthauza mipingi, kani. Si choncho? Kotero ndi

chiyani tsopano? "Tiyenera kukhala tiri pa ntchito ya Atate!" Tirigu akhoza kufuula kuti, mbewu. Ìnde bwana! Iyenera kuchita chiyani? Kutsimikizira Malaki 4: kutsimikizira Luka 17:30; kutsimikiza Aheberi 13:8 kutsimikizira Yohane woyer 14:12; kutsimikizira Mawu Ake onse: kutsimikizira Aheberi - ndikutanthauza - chivumbulutso chaputala 10; kutsegula kwa Zisindikizo Zisanu ndi Ziwire; ndipo zinsinsi za Mulungu, kaya za mbewu ya njoka, ndipo zonse zidzasanduka thupi: Chikwati ndi chilekano ndi zinsinsi zina zonsezo zimene zinali zabisika pansi pa mizati kuyambira pa zaka zonse za azipembezo ndi ena otero, koma tsopano ndiyo nthawi. Imeneyo ndiyo ntchito ya Atate. Mukuganiza iwo angalandire izi? Iwo akufuna kuti akhale olemekezeka nati, "Dinomineshoni yathu simatiphunzitsa zimenezo!" Koma Baibulo limatero! Zimenezo ndi zoona! Mulungu akutsimikizira kuti ndi zoona. Zedidi.

<sup>153</sup> Kukwaniritsa m'badwo uno pamene Zisindikizo Zisanu ndi Ziwire zikuperekera umboni kuti madinomineshoni anali zotengera chabe. Imeneyo ndi yina mwa ntchito za Atate. Kuchitira umboni... Ndipo ntchito ya Atate tsopano ndiyo kukuonetsani kuti madinomineshoniwo si Ake. Ndi mchitidwe opangidwa ndi anthu umene umakana Mawu. Ndi zoona!

<sup>154</sup> Taonani! Inu mukuti, "Motani, Maria - namwali woposa onse?" Pa mtanda Iye sanamutche iyeyu "amayi"; Iye anamutcha uyu "Mzimayi," chotengera osati amayi zoonadi, iye anali chonyamulira cha Mawu, koma iye sanali Mawu, Yesu anali. O, inde!

<sup>155</sup> Taonaninso, Maria sanazindikiritsedwe mu chiukitsiro pamodzi ndi Iye. Iye anafa naukanso, chifukwa Iye anali Mawu. Iye anali chongotengera chabe. Maria anafa ndipo adakali m'manda ndi zoonadi! Kotero anali chongotengera chabe, osati amayi Ake, osati Mulungu. Analu chongotengera chabe basi monga momwe mipingo iliri lero. Ndi zoona! Zikutionetsera kuti iye anali chotengera Mawu chabe, osati Mawu.

<sup>156</sup> Tiyenı titsirize ponena izi. O, ziombankhangza za Chipentekoste, kumangodumphadumpa monga akhwangwala, kuchita nao za m'dziko monga momwe ena onse akuchitira, okhala nawo maonekedwe a umulungu, mokwanira kunyenga osankhidwa amene ngati kutatheka, koma okana mphamvu yake, monga momwe anenera apa, chitsanzo changwiro cha chomwe Mawu a Mulungu anati zidzakhalapo mu masiku otsiriza, m'badwo wa mpingo wa Laodikaya wamaliseche, wakhungu, womvetsa chisoni, wosauka, opanda pake ndipo sakudziwa, kumadzitcha kuti iye ndi wamkulu ndi wolemera, osasowa kanthu, ndipo sakudziwa kuti wasinthika kuchokera pa chiombankhangza, m'bale wofanana ndi m'neneri kuti asunge Mawu a Mulungu molunjika, iye wasanduka khwangwala womadyetsa anthu ake mbira zachipembedzo zakufa. Ndi momwemo zedi! Dzukani! Mai mukuyembekezera bwanji

kudziwidwa movomerezeka - kapena kukhala olowa ufumu pamodzi ndi mphungu pamene zinthu ngati zimenezo mu ora lopambanali pamene mkwatulo wayandikira.

<sup>157</sup> O, Akhristu, O, Okhulupirira ngati mwakhala muli wokhulupirira pang'ono zibweranibe ku misonkhanoyi kwa kanthawi, mungatereo? Tiri ndi zina zake pano zomwe ndikukhulupirira kuti Ambuye akufuna inu muzidziwe. Nthawi yatha; sindingapitirize koposa apa. Ndiyenera kutseka, ndipo mwina ndidzatsiriza usiku wa mawa. Koma onani tiyeni tiweramitse mitu yathu kwa kamphindi.

<sup>158</sup> Ine sindikufuna inu kuti muzitcheka galamala yomwe ndikugwiritsa ntchito, koma ine ndikufuna inu mukhale a tcheru kwa miniti yokha pa zomwe ndikufuna kulankhula. Ndi zomveka bwino mokuti inu mukhoza kuzimvetsa; ine ndikutsimikiza, ngati inu mukukhumbira kutero. Ngati inu muli pano usiku uno, ndipo ndinu opanda ichi kukuchitikirani... Ine sindikuti... Inu mukuti, "Ine ndinavina mwa Mzimu ndinadumpha kuzungalira ponse." Eee, ziombankhangha zimachita zomwezo. Ndi monga akhwangala ndi mimba. Ine sindikukufunsani zimenezo. Kodi inu mukumadya chiyani? Kodi chakudya chanu cha tsiku ndi tsiku mumachitenga kuti? Kodi inu mukudyanji, Mawu a Mulungu kapena nyama zakufa kale zimene ankagwiritsa ntchito zaka zapitazo? Kodi zokuchitikirani zanu ngakhale usiku uno ndi zomwe munangotengera zaka zambiri zapitazo, kapena ndi zatsopano usiku uno, manna atsopano amene angogwa kuchokera kumwamba ndipo inu mukungodyetsa moyo wanu pa iwo nimuyangana kula mawa kuti mudzadye zinanso zabwino kapena zopambana? Ngati simuli motero, tsopano ndi mitu yanu yoweramitsidwa, ndi maso anu otsekedwa, ndi mitima yoweramitsidwa, dzifunsei nokha funso la mtima woona ili - ndipo osati kwa ine koma kwa Mulungu - Mungakweze manja anu mwa umboni wa zimenezo mukunena chotere? "Mulungu, konzani moyo wanga ndi mzimu wanga kuti ndizidyerera pa Mawu a Mulungu okha." Kodi mungakweze manja anu, ndi kuti... Mulungu akudalitseni! Mulungu akudalitseni.

<sup>159</sup> Sindikudziwa kwenikweni kuti ndi angati amene ali munu - usikuuno. Ine sindimatha kungodziwa kuti anthu alipo mwakuti, koma ndikhoza kungoti gawo lachitatu la anthu onse kapena mochulukira anakweza manja awo, kuti akufuna miyoyo yokonzedwanso. Tiyeni tikumbukire mwapemphero tsopano pamene tikuweramitsa mitu yathu.

<sup>160</sup> Mulungu wokondedwa, ine ntchito yanga ndi yongowalalika Mawuwa. Ndipo mwa timafanizo tophwekati, timiyambi tating'ono, anthu awona kuti wina sadzakhala wolowa ufumu pamodzi ndi mzake. Ndipo ife tikudziwa kuti m'masiku otsiriza kukhala anthu amene adzakwatulidwa kupita m'miyamba.

Ndipo ena adzakhala alipo pano pamene Yesu adzabwera. Ndipo ife tikuyang'anira Iye kuti adze ngakhale usiku uno.

<sup>161</sup> Ndipo ndikuganizira za zake 30, pafupifupi 30 kapena 33 zapitazo kuti ndinagwada pano mwina mwa nthawi yomwe ino ya usiku, cha m'ma 9:30 kapena 10:00 koloko, kupempherera abambo anga amene anali otayika...usiku uno, Ambuye, ndikupempherera abambo ambiri ndi amayi ambiri, ndi abale, ndi alongo. Kodi simukhala ndi chifundo Mulungu wokondedwa? Nthawi yatha tsopano kuti abambo anga achitepo kanthu kalikonse; iwo adutsa mzere wa moyo uno. Ndipo posachedwa, Ambuye, ife tonse tidzapita njira yomweyo. Inenso ndiyenera kupita njira yomweyo. Mwamuna aliyense ndi mkazi aliyense, mnyamata kapena mtsikana amene ali muno adzayenera kupita njira yomweyo. Ndipo ife tidzayankha pa zomwe tikuchita ndi Mawu a Mulungu.

<sup>162</sup> Munthu yemwe ankamulavulira Davide ankamuona iye kuchepa m'maso mwake. Adzaganiza mochepa bwanji anthu aja amene ankamulavulira Yesu amene ali Mawu, pamene Iye adzabweranso, kwa iwo amene anamulasa Iye. Adzandiona mochepa bwanji iwo amene anachoka kuno naona ngakhale - osati mwa mawu aakulu a Chigriki ndi zina zotero, koma mwa chilengedwe chosavuta chimene chimatiphunzitsa ife za Mulungu Mlengi - akhoza kuona zonyamulira Mawu, naona Mawu omwe, nadziwa nthawi yomwe tikukhalamo ndipo nthawi yokolola ilipano Mulungu wokondedwa, musatilore ife kuti tifulatire zimenezi potsata zopusa zina za dziko koma tiloleni usiku uno kuti timulandire Iye ndi mtima wathu wonse.

<sup>163</sup> Ndipo Ambuye lengani mwa ine mzymu wabwino, Mzymu wa Moyo, kuti ndikhoze kukhulupirira Mawu Anu onse ndi kulandira Yesu, Mawu, omwewo dzulo lero ndi nthawi zonse, ndi kukhulupirira lero pa gawo linakzeredwa ku mbadwo uno. Pelekani, Ambuye. Ndafunsa izi mu Dzina la Yesu.

<sup>164</sup> Ndipo tsopano ndifunsa aliyense wa inu pamene muli pano ndi kuganiza za izi moona zedi...Ife tiribe mpingo woti inu mujowine ayi. Koma tiri ndi dziwe pamunsipo loti mukhoza kubatizidwamo: "Ndipo onse amene anakhulupilira anabatizidwa." Ngati simunabatizidwebe mu ubatizo wa Chikhristu... Omwe siutanthaiza kuwazana madzi pa mphumi, kusanulirana; uwo umatanthaiza mwa kumiza, osati mwa udindo wa Atate, Mwana, ndi Mzymu Woyerwa, koma mwa Dzina la Yesu Khristu monga momwe mpingo wonse unabatizidwira mpakana pamene mpingo wa Katolika mu chaka cha 303, A.D., unadzayambitsa amulungu atatu ndi kachitidwe katatu ka ubatizo mu maudindo a utatu. Ngati munali musanabatizidwebe bwino, mawa, m'mawa cha m'ma 10.00 koloko, pali zovala ndi zinzake zomwe zikukudikirani komweko.

<sup>165</sup> Kodi simungabwere ndi kudzajowinana ndi Yesu Khristu, osati ndi ife. Tiribe tchalitchi kuno choti chikusamalireni inu. Pitani ku mpingo uli wonse womwe mukuwufuna, kulikonse komwe mukuchokera, koma chonde, khulupilirani Mawu awa. Kodi mukuwakhulupilira, nenani, "Amen" (Msonkhano uyankha, "Amen!" - Mkonzi) Mulugu akudalitseni! Mutachita...

<sup>166</sup> Ngati pali china chilichonse chomwe tingakuthandizeni, tiri pano kuti titero, tiri pano kuti titero.

<sup>167</sup> Tsopano, ndidziwa pali odwala pano. Nthawi yathu yatithera kuti tipange mzere wa mapemphero usiku uno. Mwina tikhoza kutsiriza. Ndikufuna aliyense wa inu andichitire china chake ine. Mwakhala pafupi ndi wina, sanjikani manja anu pa munthu ameneyo. Ndipo musakayike pakuti mwayika manja anu pa mphungu, mwina ndi mphungu imene yakhala ikudya chakudya cha khwangwala kwina kwake, akudwala nacho. Sakuchifunanso. Akufuna kutuluka ku zimenezo. Akudwala ndipo atopa nazo. Khalani pano usiku uno nimuone zomwe mphungu zimadya kwenikweni, Mawu, ndipo ali ndi Khristu wamoyo amene akukhala pakati pawo, kudziwonetsa Yekha wamoyo, yemweyo dzulo, lero, ndi nthawi zonse. Iwo sakufuna kukhala olowa ufumu pamodzi ndi makoko. Awo adzawotchedwa. Mpirlingizo ukudza kudzaomba tirigu kuti atulukemo. Ambuye akhale nanu.

<sup>168</sup> Pali ena amene akudwala, ena odwala mthupi, ndifuna kuti ina mupemphere. Mphungu, pemphererani mbale wanu ndi mlongo mphungu pamenepo, pomwe ine ndikukupemphererani pano. Mzimu wa Mulungu ukhale pa inu.

<sup>169</sup> Kumbukirani, ine ndikukupatsani chakudya cha mphungu, lonjezo la Mulungu. Iye amawatcha aneneri mphungu. Iye amadzitchanso Yekha Mphungu; Iye ndi Yehovah Mphungu. Ndipo mutayika manja anu pa wina ndi mzake, apempherereni iwo.

<sup>170</sup> Atate athu akumwamba, Mawu Anu anati, kutuma kwanu kotsiriza kumene Inu munapereka kwa Mpingo wanu, kunali, "Pitani kudzikiko lonse ndi kukalalikira Uthena - ulamuliro wamba - iye amene akhulupirira nabatizidwa adzapulumutsidwa; Iye amene sakakhulupirira adzawonongedwa. Zizindikiro izi zidzawatsata iwo amene akhulupirira: Mu Dzina Langa adzatulutsa ziwanda; adzalankhula ndi malilime atsopano; ngati atadzamwa zakupha sizidzawapweteka; ngati atadzatola njoka, sizidzawapweteka; ndipo pamene adzaika manja awo pa odwala, adzachira." O, Yehovah Mphungu, dyetsani tiana Tanu usiku uno pa Mawu'wo, Ambuye Iwo ndi osowa. Ichu ndi chakudya chimene akuchifuna. Ndi chomwe akuchisowa, kudziwa kuti chakudyacho ndi chotani, kuti kodi ATERO AMBUYE ndi chiyani.

<sup>171</sup> Inu munalonjeza kuti ngati asanjika manja awo pa wina ndi mzake, adzachira. O, Ambuye Mulungu, chotsani kukayikira konse ndi malingaliro a akhwangwala pa ife tsopano. Ndipo tikudyano mwakachetechete pa chakudya cha Mphungu cha Mawu a Mulungu.

<sup>172</sup> Lolani mzimu woyipa umene uli mwa anthu amenewa, mzimu ultiwonse wa kukayikira, mzimu ultiwonse wa mantha, kudalira chipembedzo konse, khaldidwe liri lonse, kudwala kuli onse, matenda alionse amene ali pakati pa anthu achoke; mu Dzina la Yesu Khristu zitatuluka pa gulu ili la anthu. Ndipo awa apite ali mfulu kuyambira pa ora lino, kuti akhoze kudya chakudya cha Mphungu chimene ife tikukhulupirira kuti mutitumizira mu sabatali, Ambuye, kutsegula kwa Žisindikizo zija ndi kutiwonetsa ife zinsinsi zimene zinabisika kuyambira pa chikhazikitso cha dziko, monga Inu munalonjezera. Iwo ndi Anu, Atate. Mu Dzina la Yesu Khristu. Amen.

<sup>173</sup> Onse amene mukukhulupirira ndi kulantira, imani pa mapazi anu, itini, "Ine ndikukhulupirira; Ine ndikulantira zimenezo; zomwe Mulungu anandilonjeza ine, ndikuzilandira." Ambuye akudalitseni. Ndizo zabwino zimenezo. Munthu ali yense ayime. Ndi bwino choncho. Titsogolereni nyimbo ndi limba, "Ndim'konda Iye." tiyeni tiyimbe nyimbo imeneyi kwa Iye tsono, Ndimkonda Iye Ndimkonda Iye, chifukwa lye ndi yemwe anayamba kundikonda ine... Tonse pamodzi tsopano.

Ndim'konda Iye, (ngati mumamukonda, tiyeni  
tiyimike manja athu)

Ndim'konda Iye,  
Chifukwa Iye anandikonda  
Nandigulira chipulumutso  
Pa Gologota.

<sup>174</sup> O, kodi Iye siwodabwitsa? Tiyeni tigwirane manja wina ndi mzake. M'bale Mphungu, tangotembenukani, mlongo, pasanani moni pamene tiyimba.

Ndim'konda Iye...  
(Mpingo ugwigirana chanza wina ndi mzache  
mkonzi.)  
Pa Gologota.

Tiyeni tikwezeno mikono yathu kwa Iye.

Ndim'konda Iye, Ndim'konda Iye,  
Chifukwa lye anandikonda (Ndipo amatipanga  
ife kukhala mphungu!)  
Nandigulira chipulumutso  
Pa Gologota.

<sup>175</sup> Mudzadziwa bwanji, dziko lidzadziwa bwanji kuti, inu mumamukonda Yesu? Pamene tikondana wina ndi mzake. Ndi momwe dziko... Onani Mulungu amaona chikhulupiliro chanu; dziko limayang'ana zochita zanu. Kondanani wina ndi mzake

tsopano; chitiranani chifundo wina ndi mzake. Lankhulanani wina ndi mzake. Dekhani mtima kwa wina ndi mzake. Ndipo kutsogolera kwina kuli konse kumene tingakupatseni, ubatizo, kufuna Mzimu Woyer... Ife tiribe malo okwanira pano kuti titero, inu mukumvetsa. Kuyitanira anthu ku guwa, ngati Mulungu wakukhutitsani mtima kuti izi ndi zonna, kuti Yesu Khristu ali yemweyo dzulo, lero, ndi nthawi zonse, ndipo inu makufuna kumujowina Iye, pitani mukabatizidwe mu Dzina Lake mawa. Padzakhala amuna oti adzakulangizeni. Chiri chonse chomwe tingachite pakukuthandizani tichichita.

Ndim'konda Iye, Ndim'konda lye,  
Chifukwa (Inu amene muli pa matelefone  
tsopano, ku Tucson, komwe ku California,  
mpaka ku vuma kwezani manja anu pali  
ponse....?...Lemekezani Iye!  
...gulira chipulumutso,  
Pa Gologota.

Tsopano, mpaka mawa usiku ndikukupatsani inu m'bale  
Neville Mbusa wathu.



*MBEWU SIZILOWA UFUMU PAMODZI NDI MAKOKO* CHA65-0218  
(The Seed Is Not Heir With The Shuck)

Uthenga uwu wa M'bale William Marrion Branham, woperekedwa mu Chingerezi Lachinayi usiku, pa 18 Feburuwale, 1965, ku Parkview Junior High School, mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2015 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)